

MISSÆ
PROPRIÆ

SOCIETATIS
SANCTI FRANCISCI SALESII
ET INSTITUTI
FILIIARUM MARIÆ AUXILIATRICES



**MISSÆ PROPRIÆ
SOCIETATIS
SANCTI FRANCISCI SALESII
ET INSTITUTI
FILIIARUM MARIE AUXILIATRICES**

MISSÆ PROPRIÆ

**SOCIETATIS
SANCTI FRANCISCI SALESII
ET INSTITUTI
FILIIARUM MARLÆ AUXILIATRICIS**



SOCIETAS SANCTI FRANCISCI SALESII

ROMÆ MCMXC

© Copyright 1990 e distribuzione:

DIREZIONE GENERALE OPERE DON BOSCO
Via della Pisana, 1111
C.P. 9092
00163 ROMA



SEDES GENERALIS OPERUM SANCTI IOANNIS BOSCO

Prot. n. 87/1107

RECTOR MAIOR

Congregatio pro Cultu Divino die 24 iunii 1970 Instructionem *Calendaria particularia* edidit de Calendariis particularibus atque Officiorum et Missarum Propriis recognoscendis etiam a religiosis Familiis, ut peculiari honore Sanctos, qui ipsis magis essent proprii, prosequerentur (cf n. 1).

Huiusmodi obtemperans normis, quas eadem Congregatio litteris circularibus *Novo Calendario* mense februario 1974 opportunis declarationibus ditavit, Societas Sancti Francisci de Sales *Proprium* suum confecit, quod die 30 martii 1974 probatum seu confirmatum est.

Cum tamen id interea novis Sanctorum memoriis auctum esset, quarum nonnullæ in diem magis opportunum collocare oportuit, iterum ex toto recognoscendum fuit, ut rebus et forma novis accommodaretur renovationis conatibus, quos iuxta Concilii Vaticani II præcepta Familia Salesiana Sancti Ioannis Bosco perficiebat.

Commissio, quam nos ipsi instituimus, diu et sedulo operam suam navavit, novis textibus euchologicis additis, aliquot emendatis, reliquis autem funditus recognitis aptioribusque lectionibus biblicis auctis.

Operam perfectam atque a viris peritis nostræ religiosæ Familiæ felici iudicio cohonestatam Rector Maior una cum Generali Consilio recognovit atque ad Congregationem pro Cultu Divino misit, quæ die 20 iulii 1989 italicam textuum propositorum versionem, die autem 6 aprilis 1990 ipsum latinum textum definitum, rite adprobavit.

Exstat igitur renovatum hoc *Proprium* aptum instrumentum ad digne celebrandas susceptas ecclesialis charismatis nostri divitias, ad Evangelium melius vivendum iuxta Sancti Ioannis Bosco mentem cum adolescentibus cumque universo populo Dei, ad exempla sequenda Sanctorum, qui veluti quoddam speculum manifestantur peculiaris illius sanctitatis, quæ ad Patrem ter Sanctum provocat. Potissimum autem hoc omnes habeant ut peropportunum adiutorium ad celebrandum Paschale Memoriale Domini, ad rite recolendam nostræ Familiæ vigentem sanctitatem (*Rm* 11,16: “Si radix sancta, et rami”), atque ad eam persequendam per liturgiam cotidianæ vitæ.

Haec *Proprii* nostri editio præcedentem anno 1974 exaratam abrogat.

Sanctissima Trinitas, Auxiliatrix Dei et Ecclesiæ Mater, Sancti et Beati nostri, concedant ut, Spiritu imbuti, omnes Salesianæ Familiæ sodales, “dilecti Dei, vocati sancti” (cf *Rm* 1,7), per meditationem atque usum liturgicorum textuum, qui nunc eduntur, totam vitam suam impendant ut “rationabile obsequium” (*Rm* 12,1) “in nomine Domini Iesu gratias agentes Deo Patri per ipsum” (*Col* 3,17).

D. Egidius Viganò
Rector Maior

Romæ, die 15 mensis aprilis anno 1990

Dominica Paschæ, in Resurrectione Domini.



CONGREGATIO DE CULTU DIVINO
ET DISCIPLINA SACRAMENTORUM

Prot. CD 148/90

SOCIETATIS S. FRANCISCI SALESII
ET INSTITUTI FILIARUM MARIE AUXILIATRICIS

Instante Reverendo Domino Aloisio Fiora, Societatis Sancti Francisci Salesii Procuratore Generali, de mandato Superioris Generalis eiusdem Societatis, litteris die 22 februarii 1990 datis, vigore facultatum huic Congregationi a Summo Pontifice IOANNE PAULO II tributarum, textum Proprii Missarum, lingua *latina* exaratum et huic Decreto adnexum, perlibenter probamus seu confirmamus.

In textu imprimendo inseratur ex integro hoc Decretum, quo petita confirmatio conceditur. Eiusdem insuper textus impressi duo exemplaria ad hanc Congregationem transmittantur. Contrariis quibuslibet minime obstantibus.

Ex ædibus Congregationis de Cultu Divino et Disciplina Sacramentorum, die 6 aprilis 1990.

Ludovicus Kada
Archiep. tit. Thibicen.
a Secretis

Eduardus Card. Martínez
Præfectus

CALENDARIUM

Ubi non indicatur gradus liturgicus celebrationis,
tamquam *memoria facultativa* est habendus.

IANUARIUS

22 Beatæ LAURÆ VICUÑA, adolescentis.

Festum 24 Sancti FRANCISCI de SALES, episcopi et Ecclesiæ doctoris,
Titularis et Patroni Familiæ Salesianæ.

Sollemnitas 31 Sancti IOANNIS BOSCO, presbyteri,
“Patris et magistri iuventutis”.
Fundatoris Societatis sancti Francisci de Sales
et Instituti Filiarum Mariæ Auxiliatricis
necnon Cooperatorum Salesianorum.

FEBRUARIUS

1 In Commemoratione omnium Sodalium defunctorum
Societatis sancti Francisci de Sales.

MARTIUS

12 Beati ALOISII ORIONE, presbyteri.

MAIUS

- Festum* 6 Sancti DOMINICI SAVIO, adulescentis.
- Festum* 13 Sanctæ MARIÆ DOMINICÆ MAZZARELLO, virginis,
Confundatricis Instituti Filiarum Mariæ Auxiliatricis.
- 19 Sancti LEONARDI MURIALDO, presbyteri.
- Sollemnitas* 24 BEATÆ MARIÆ VIRGINIS,
titulo AUXILIUM CHRISTIANORUM
Patronæ principalis Instituti Filiarum Mariæ Auxiliatricis
necnon universæ Familiæ Salesianæ.

IUNIUS

- Memoria* 23 Sancti IOSEPH CAFASSO, presbyteri.

OCTOBER

- 24 Beati ALOISII GUANELLA, presbyteri.
- Sollemnitas* 25 In Anniversario Dedicationis ecclesiæ propriæ
(si dies certus ignoratur).
- 29 Beati MICHAELIS RUA, presbyteri.

NOVEMBER

- 13 Beatorum ALOISII VERSIGLIA, episcopi
et CALLISTI CARAVARIO, presbyteri.
Protomartyrum Salesianorum.

DECEMBER

- 5 Beati PHILIPPI RINALDI, presbyteri.
Fundatoris Instituti sæcularis "Volontarie di Don Bosco".

MISSÆ PROPRIÆ



Die 22 ianuarii

Beatæ LAURÆ VICUÑA adulescentis

ANT. AD INTROITUM

Ps 27 (26), 8

De te dixit cor meum: «Exquírite fáciem meam!». Fáciem tuam, Dómine, exquíram.

COLLECTA

Deus, Pater imménsæ caritátis,
qui in adulescēte Laura ánimi fortitúdinem
cum innocétiæ candóre mirabíliter sociásti,
eius nobis intercessióne concéde,
ut árdua vitæ certámina fórtiter superántes,
promíssam mundis corde beatitúdinem vívere
atque coram ómnibus testári valeámus.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sǽcula sǽculórum.

Lectiones sumuntur ex Lectionario feriali; pro pastorali opportunitate autem etiam quæ sequuntur ad libitum proclamari possunt.

LECTIO PRIMA

Animam suam pro nobis posuit.

Léctio Epístulæ primæ beáti Ioánnis apóstoli

3, 13-16

Caríssimi: nolíte mirári si odit vos mundus. Nos scimus quóniam transívimus de morte in vitam, quóniam dilígimus fratres; qui non díligit, manet in morte. Omnis, qui odit fratrem suum, homicída est, et scitis quóniam omnis homicída non habet vitam ætérnam in semetípso manéntem.

In hoc nóvimus caritátem, quóniam ille pro nobis ánimam suam posuit; et nos debémus pro frátribus ánimas pónere.

Verbum Dómini.

PSALMUS RESPONSORIUS

Ps 34 (33), 2-3. 4-5. 6-7. 8-9

R. Laudáte púeri Dóminum.

Benedícam Dóminum in omni témpore,
semper laus eius in ore meo.

In Dómino gloriábitur ánima mea,
áudiant mansuéli et læténtur. **R.**

Magnificáte Dóminum mecum,
et exaltémus nomen eius in idípsum.
Exquisívi Dóminum, et exaudívit me
et ex ómnibus terróribus meis erípuit me. **R.**

Respícite ad eum, et illuminámini
et fácies vestræ non confundéntur.
Iste pauper clamávit, et Dóminus exaudívit eum
et de ómnibus tribulatió nibus eius salvávit eum. **R.**

Vallábit ángelus Dómini in circúitu timéntes eum
et erípiet eos.

Gustáte et vidéte quóniam suávis est Dóminus;
beátus vir, qui sperat in eo. **R.**

ALLELUIA

Cf Io 13, 34

R. Allelúia, allelúia.

Mandátum novum do vobis,
dicit Dóminus,
ut diligátis ínvicem sicut diléxi vos.

R. Allelúia.

EVANGELIUM

Maiorem hac dilectionem nemo habet, ut animam suam quis ponat pro amicis suis.



Léctio sancti Evangélii secúndum Ioánnem

15, 9-17

In illo témpore: Dixit Iesus discipulis suis: «Sicut diléxit me Pater, et ego diléxi vos; manéte in dilectióne mea. Si præcépta mea servavéritis, manébitis in dilectióne mea, sicut ego Patris mei præcépta servávi et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos; maiórem hac dilectiónem nemo habet, ut ánimam suam quis ponat pro amícis suis. Vos amíci mei estis, si fecéritis, quæ ego præcípio vobis. Iam non dico vos servos, quia servus nescit quid facit dóminus eius; vos autem dixi amícos, quia ómnia, quæ audívi a Patre meo, nota feci vobis.

Non vos me elegístis, sed ego elégi vos et pósui vos, ut vos eatis et fructum afferátis, et fructus vester máneat, ut quodcúmque petiérítis Patrem in nómine meo, det vobis.

Hæc mando vobis, ut diligátis ínvicem».

Verbum Dómini.

ORATIO UNIVERSALIS: cf pp. 127-128.

SUPER OBLATA

Súscipe, Pater sancte, nostræ láudis oblatiónem,
sicut párvulæ Lauræ vitæ donum accípere dignátus es;
atque per huius sacrificii virtútem,
renovátum propósitum nostrum sústine,
ut tibi ánimo læto et sollicita mente serviámus.
Per Christum Dóminum nostrum.

PRÆFATIO

«De actione Sanctorum»

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre,
nos tibi semper et ubique grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Tu enim Sanctórum tuórum confessióne mirábili
Ecclésiám tuam nova semper virtúte fecúndas,
nobisque certíssima præbes tuæ dilectiónis indícia.
Sed étiam, ad mystéria salutis implénda,
et ipsórum insígni incitámur exémplo
et pia intercessióne perpétuo commendámur.

Unde et nos, Dómine, cum Angelis et Sanctis univérsis
tibi confitémur, in exsultatióne dicétes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

ANT. AD COMMUNIONEM

Cf Io 14, 21b.23b

Qui diligit me, diligétur a Patre meo
et ad eum veniémus
et mansiónem apud eum faciémus — dicit Dóminus —.

Vel:

Io 15, 9

Sicut diléxit me Pater, et ego diléxi vos;
manéte in dilectióne mea.

POST COMMUNIONEM

Quásumus, omnípotens Deus, ut panis vitæ,
qui adulescéntem Lauram
refécit et sustínuit in spiritalibus augméntis,
nobis novas virtútes infúndat
in cotidiáno exercítio evangélicæ caritátis.
Per Christum Dóminum nostrum.

Die 24 ianuarii

Sancti FRANCISCI DE SALES episcopi et Ecclesiæ doctoris Titularis et Patroni Familiæ Salesianæ

Festum.

Ubi celebratur gradu sollemnitatis (quia Titularis ecclesiæ vel oratorii publici dedicatum vel benedictorum) proclamantur tres lectiones et dicitur Credo.

ANT. AD INTROITUM

Cf Sir 39, 8b.10a.14

Spíritu intellegentiæ replévit illum Dóminus,
et ipse diréxit consílium eius et disciplínam;
sapiéntiam eius enarrábunt gentes
et laudem eius enuntiábit Ecclésia.

Dicitur Gloria in excelsis.

COLLECTA

Deus, qui ad animárum salútem
beátum Francíscum episcopum
óm nibus ómnia factum esse voluísti,
concéde propítius, ut, eius exémplo,
tuæ mansuetúdinem caritátis
in fratrum servítio semper ostendámus.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

Vel, pro religiosis:

Omnípotens et miséricors Deus,
 qui beátum Francíscum episcopum,
 pastoráli zelo et amábili doctrína præditum,
 in Ecclésia suscitásti, præsta, quæsumus,
 ut qui adulescéntium apóstoli in messem tuam míttimur,
 eádem fulgeámus evangélica caritáte.
 Per Dóminum nostrum Iesum Christum Fílium tuum,
 qui tecum vivit et regnat in unitáte Spíritus Sancti, Deus,
 per ómnia sæcula sæculórum.

LECTIO PRIMA

Quæ desursum est sapientia, pudica est, pacifica, plena misericordia.

Léctio Epístulæ beáti Iacóbi apóstoli

3, 13-18

Caríssimi: quis sápiens et disciplinátus inter vos? Osténdat ex bona conversatióne operatiónem suam in mansuetúdine sapiéntiæ. Quod si zelum animárum habétis et contentiões in córdibus vestris, nolíte gloriári et mendáces esse advérsus veritátem. Non est ista sapiéntia desúrsum descéndens, sed terréna, animális, diabólica; ubi enim zelus et conténtio, ibi inconstántia et omne opus pravum.

Quæ autem desúrsum est sapiéntia primum quidem pudíca est, deinde pacífica, modésta, suadíbilis, plena misericórdia et frúctibus bonis, non iúdicans, sine simulatióne; fructus autem iustítiæ in pace seminátur faciéntibus pacem.

Verbum Dómini.

PSALMUS RESPONSORIUS

Ps 34 (33), 2-3. 4-5. 6-7. 8-9

R. Beátus vir qui sperat in Dómino.

Benedícam Dóminum in omni témpore,
 semper laus eius in ore meo.
 In Dómino gloriábitur ánima mea,
 áudiant mansuétí et læténtur. **R.**

Magnificáte Dóminum mecum,
et exaltémus nomen eius in idípsum.
Exquisívi Dóminum, et exaudívit me
et ex ómnibus terróribus meis erípuit me. *R.*

Respícite ad eum, et illuminámini
et fácies vestræ non confundéntur.
Iste pauper clamávit, et Dóminus exaudívit eum
et de ómnibus tribulatió nibus eius salvávit eum. *R.*

Vallábit ángelus Dómini in circúitu tímentes eum
et erípiet eos.

Gustáte et vidéte quóniam suávis est Dóminus;
beátus vir, qui sperat in eo. *R.*

ALLELUIA

Cf Io 10, 14

R. Allelúia, allelúia.

Ego sum pastor bonus, dicit Dóminus;
et cognóscó meas, et cognóscunt me meæ.

R. Allelúia.

EVANGELIUM

Bonus pastor animam suam dat pro ovibus suis.



Léctio sancti Evangélii secúndum Ioánnem

10, 11-16

In illo témpore dixit Iesus: «Ego sum pastor bonus: bonus pastor ánimam suam ponit pro óvibus; mercennárius et, qui non est pastor, cuius non sunt oves própriae, videt lupum veniéntem et dimíttit oves et fugit — et lupus rapit eas et dispérgit — quia mercennárius est, et non pértinet ad eum de óvibus.

Ego sum pastor bonus: et cognóscó meas, et cognóscunt me meæ, sicut cognóscit me Pater, et ego cognóscó Patrem; et ánimam meam pono pro óvibus. Et alias oves hábeo, quæ non sunt ex hoc ovíli, et illas opórtet me addúcere, et vocem meam áudient et fiet unus grex, unus pastor».

Verbum Dómini.

Ubi celebratur gradu sollemnitatis, additur prima lectio quæ sequitur, cum psalmo responsorio:

LECTIO PRIMA

Pereuntem requiram et errantem reducam.

Lectio libri Ezechiélis prophétæ

34, 11-16

Hæc dicit Dóminus Deus: «Ecce ego ipse requíram oves meas et visitábo eas. Sicut visitat pastor gregem suum in die, quando fúerit in medio óvium suarum dissipatárum, sic visitábo oves meas et liberábo eas de ómnibus locis, in quibus dispérsæ fúerant in die nubis et caliginis.

Et edúcam eas de pópulis et congregábo eas de terris et indúcam eas in terram suam et pascam eas in móntibus Israel, in rivis et in cunctis sédibus terræ. In páscuis ubérrimis pascam eas, et in móntibus excélsis Israel erunt páscua earum; ibi requiéscent in herbis viréntibus et in páscuis pínguibus pascéntur super montes Israel.

Ego pascam oves meas et ego eas accubáre fáciam, dicit Dóminus Deus. Quod perierat, requiram et, quod eiéctum erat, reducam et, quod confractum fúerat, alligábo et, quod infirmum erat, consolidábo et, quod pingue et forte, custódiam et pascam illas in iudício».

Verbum Dómini.

PSALMUS RESPONSORIUS

Ps 23 (22), 1-3a. 4. 5. 6

R. Dóminus pascit me, et nihil mihi déerit.

Dóminus pascit me, et nihil mihi déerit:
in páscuis viréntibus me collocávit,
super aquas quiétis edúxit me,
ánimam meam refécit. **R.**

Nam et si ambulávero in valle umbræ mortis,
non timébo mala, quóniam tu mecum es.
Virga tua et báculo tuus,
ipsa me consoláta sunt. **R.**

Parásti in conspéctu meo mensam
advérsus eos, qui tríbulant me;
impinguásti in óleo caput meum,
et calix meus redúndat. **R.**

Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitúdinem diérum. **R.**

ORATIO UNIVERSALIS: cf pp. 129-130.

SUPER OBLATA

Per hanc salutárem hóstiam,
quam tibi offérimus, Dómine,
cor nostrum divíno illo Sancti Spíritus igne succénde,
quo mitíssimum beáti Francísci
ánimum mirabíliter inflammásti.
Per Christum Dóminum nostrum.

PRÆFATIO

«*Sanctitatis magister*»

ꝯ. Dóminus vobíscum.

ꝱ. Et cum spírítu tuo.

ꝯ. Sursum corda.

ꝱ. Habémus ad Dóminum.

ꝯ. Grátias agámus Dómino Deo nostro.

ꝱ. Dignum et iustum est.

Vere dignum et iustum est, æquum et salutáre,
nos tibi semper et ubíque grato magnificáre præcónio,
Dómine, sancte Pater, omnípotens ætérne Deus,
per Christum Dóminum nostrum.

Quia inter pastóres beátum Francíscum
in Ecclésia tua ita aggregáre voluísti
ut pietátis áuctor, doctor mirumque præéset exémplum,
ad faciéliorem ómnibus sternéndam sémitam sanctitátis.

Tui enim Spírítus replétus dulcédine
ad pæniténtiam peccatóres addúxit,
et ad restaurándam in Christo credéntium unitátem insudávit
in vínculo caritátis et pacis.

Unde et nos in exultatióne festántes
cum Angelis et Sanctis caritátis tuæ
glóriam confitémur canéntes (*dicéntes*):

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

ANT. AD COMMUNIONEM

Cf Io 10, 14.15b

Ego sum pastor bonus et cognóscó meas,
 et cognóscunt me meæ,
 et ánimam meam pono pro óvibus — dicit Dóminus —.

POST COMMUNIONEM

Concéde, quæsumus, omnípotens Deus,
 ut, per sacraménta quæ sumpsimus,
 beáti Francísci caritátem et mansuetúdinem imitántes in terris,
 glóriam quoque consequámur in cælis.
 Per Christum Dóminum nostrum.

BENEDICTIO SOLLEMNIS

Deus, Pater omnípotens,
 qui (hódie) nos convocávit ad celebrándam
 sancti Francísci festivitátem (sollemnitátem),
 confirmet vos in caritáte et pace.

R̄. Amen.

Christus Dóminus, qui in beáto Francíscó
 Ecclésiæ trádídít indústriæ caritátis exémp̄lar,
 pastorémque bonum et fidélem,
 Evangélii veros testes vos reddat.

R̄. Amen.

Spírítus Paráclítus,
 qui in epíscopo Francíscó suæ largitátis dona diffúdit,
 ut cristiánam plebem in sanctitátis dúceret sémitas,
 idóneos vos fáciat ad eius servánda præcépta.

R̄. Amen.

Benedícat vos omnípotens Deus,
 Pater, et Fílius, ✠ et Spírítus Sanctus.

R̄. Amen.

Die 31 ianuarii

**Sancti IOANNIS BOSCO presbyteri
Patris et magistri iuventutis
Fundatoris
Societatis Sancti Francisci de Sales
et Instituti Filiarum Mariæ Auxiliatricis
necnon Cooperatorum Salesianorum**

Sollemnitas.

Ubi ratio pastoralis id consulit, si sollemnitas occurrit in feriis, transferri potest in dominicis diebus Temporis per annum, adhibito formulario proprio in omnibus Missis cum populi concursu.

ANT. AD INTROITUM

Cf 1 Reg 5, 9

Sapiéntiam dedit illi
et prudéntiam multam nimis et latitúdinem cordis,
quasi arénam, quæ est in lítore maris.

Vel:

Ps 34 (33), 12.6a

Veníte filii, audíte me, timórem Dómini docébo vos.
Respícite ad eum et illuminámini.

Dicitur Gloria in excelsis.

COLLECTA

Deus, qui beátum Ioánnem presbýterum,
 adulescéntium patrem et magistrum excitásti,
 ac per eum, auxiliatríce Vírgine María,
 Ecclésiám tuam decorári voluísti,
 concéde, quæsumus, ut eodem caritátis igne succénsi,
 ánimas quærere tibi que soli servíre valeámus.
 Per Dóminum nostrum Iesum Christum Fílium tuum,
 qui tecum vivit et regnat in unitáte Spíritus Sancti, Deus,
 per ómnia sácula sæculórum.

LECTIO PRIMA

Suscitabo super eas pastorem unum.

Léctio libri Ezechiélis prophétæ

34, 11-12.15-16.23-24.30-31

Hæc dicit Dóminus Deus: «Ecce ego ipse requíram oves meas et visitábo eas. Sicut vísitat pastor gregem suum in die, quando fúerit in medio óvium suarum dissipatárum, sic visitábo oves meas et liberábo eas de ómnibus locis, in quibus dispérsæ fúerant in die nubis et caliginis.

Ego pascam oves meas et ego eas accubáre faciam, dicit Dóminus Deus. Quod perierat, requíram et, quod eiéctum erat, redúcam et, quod confráctum fúerat, alligábo et, quod infirmum erat, consolidábo et, quod pingue et forte, custódiam et pascam illas in iudício.

Et suscitábo super eas pastórem unum, qui pascat eas, servum meum David; ipse pascet eas et ipse erit eis in pastórem. Ego autem Dóminus ero eis in Deum, et servus meus David princeps in médio eorum. Ego Dóminus locútus sum.

Et scient quia ego Dóminus Deus eorum cum eis, et ipsi pópulus meus domus Israel, ait Dóminus Deus. Vos autem grex meus, grex pascuæ meæ vos, et ego Dóminus Deus vester», dicit Dóminus Deus.

Verbum Dómini.

PSALMUS RESPONSORIUS

Ier 31, 7b. 9b. 10. 20

R. Caritáte perpétua dilexísti nos.

Exsultáte in lætítia propter Iacob
et hinnite cápiti géntium;
personáte, cánite et dícite:
«Salva, Dómine, pópulum tuum, reliquias Israel». **R.**

Ego addúcam eos per torréntes aquárum
in vía recta, et non impíngent in ea,
quia factus sum Israéli pater,
et Ephraim primogénitus meus est. **R.**

Audíte verbum Dómini, gentes,
et annuntiáte in ínsulis, quæ procul sunt, et dícite:
Qui dispérsit Israel, congregábit eum
et custódiét eum sicut pastor gregem suum. **R.**

Estne filius honorábilis mihi Ephraim
aut puer delectábilis.
Idcírco conturbáta sunt víscera mea super eum:
miserans miserébor eius. **R.**

LECTIO SECUNDA

Quæ audistis et vidistis in me, hæc agite.

Léctio Epístulæ beáti Pauli apóstoli ad Philippénses

4, 4-9

Fratres: gaudéte in Dómino semper. Iterum dico: Gaudéte! Modéstia vestra nota sit ómnibus homínibus. Dóminus prope. Nihil solliciti sitis, sed in ómnibus oratióne et obsecratióne cum gratiárum actiÓne petitiÓnes vestræ innotéscant apud Deum. Et pax Dei, quæ exsúperat omnem sensum, custódiét corda vestra et intellegéntias vestras in Christo Iesu.

De cétero, fratres, quæcúmque sunt vera, quæcúmque pudíca, quæcúmque iusta, quæcúmque casta, quæcúmque amabilia, quæcúmque bonæ famæ, si qua virtus et si qua laus, hæc cogitáte; quæ et didicístis et accepístis et audístis et vidístis in me, hæc ágite; et Deus pacis erit vobíscum.

Verbum Dómini.

ALLELUIA

Cf Io 13, 15

R. Allelúia, allelúia.

Exémplum dedi vobis, dicit Dóminus,
ut, quemádmódu ego feci vobis, et vos faciátis.

R. Allelúia.

EVANGELIUM

Qui susceperit parvulum in nomine meo, me suscipit.



Léctio sancti Evangélii secúndum Mattháeum

18, 1-6.10

In illa hora accessérunt discipuli ad Iesum dicétes: «Quis putas maior est in regno cælórum?». Et ádvocans párvulum, státuit eum in médio eórum et dixit: «Amen dico vobis: Nisi convérsi fuéritis et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est maior in regno cælórum. Et, qui suscéperit unum párvulum talem in nómine meo, me súscipit.

Qui autem scandalizáverit unum de pusillis istis, qui in me credunt, expedit ei, ut suspendátur mola asinária in collo eius et demergátur in profúndum maris. Vidéte, ne contemnátis unum ex his pusillis; dico enim vobis quia ángeli eórum in cælis semper vident fáciem Patris mei, qui in cælis est».

Verbum Dómini.

ORATIO UNIVERSALIS: cf pp. 131-132.

SUPER OBLATA

Súscipe, Dómine, oblatiónem
quam tibi sincéra deférimus pietáte,
et præsta ut te in ómnibus et super ómnia diligétes,
in glóriæ tuæ laudem vívere mereámur.
Per Christum Dóminum nostrum.

PRÆFATIO

«S. Ioannes Bosco, donum Dei erga Ecclesiam»

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubique grátias ágere,
tuámque glóriam confitéri,
omnípotens et miséricors Deus,
per Christum Dóminum nostrum.

Tua enim cáritas imménsa
in Ecclésia sanctum Ioánnem suscitávit
ut adulescéntibus amícus,
frater et pater exhiberétur
in viam salútis ætérnæ.

Eumque prophético intúitu imbúere voluísti,
ut nova proles novis vitæ necessitatibus æquarétur
per honéstam sapiéntiam et operósam fidem.

Spírítu tuo motus magnam apparávit famíliam,
quæ toto orbe prosequerétur
eius munus in adulescéntes magístri et patris.

Et ideo in exsultatióne festántes
cum Angelis et Sanctis caritátis tuæ
glóriam confitémur canéntes (dicéntes):

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

ANT. AD COMMUNIONEM

Cf Mt 18, 5

Qui suscepérit unum párvulum talem in nómine meo,
me súscipit, dicit Dóminus.

Vel:

Io 15, 12

Hoc est præcéptum meum,
ut diligátis ínvicem, sicut diléxi vos.

POST COMMUNIONEM

Córpore et Sánguine tui, Dómine, mystério satiátis,
concéde quásumus,
ut sancti Ioánnis apostólicam imitánte navitátem,
ad Christi Fílii tui caritátem, vitæ novæ inhexáustum fontem,
adulescéntes addúcere valeámus.
Qui vivit et regnat in sæcula sæculórum.

BENEDICTIO SOLLEMNIS

Dóminus, boni consílii inspirátor,
sua vos iúgiter tueátur grátia
ut fidéles efficiámini promissionibus baptísmi.

R̄. Amen.

Christus pastor bonus,
concédatur vobis, ut nostri (vestri) sancti Fundatóris exémplo,
frátribus lætánte ministrétis.

R̄. Amen.

Qui de festivitáte sancti Ioánnis lætámini,
Deo adiuvánte,
in fide spe et caritáte incédere possítis.

R̄. Amen.

Benedícat vos omnípotens Deus,
Pater, et Fílius, ✠ et Spíritus Sanctus.

R̄. Amen.

Die 1 februarii

In Commemoratione omnium Sodalium defunctorum Societatis sancti Francisci de Sales

Hæc commemoratio omittitur si in dominicam incidit, nec transferri potest in aliam diem.

ANT. AD INTROITUM

Omnes nos qui credidimus
quod Iesus mórtuus est et resurrexit,
cum ipso vivemus in claritáte Dei,
et sic semper cum Dómino érimus in regno,
quod fidélibus parávit servis.

COLLECTA

Deus, infinitæ misericórdiæ Pater,
ætérrnam tríbuens beatitúdinem
regnum cælórum ante ómnia quæréntibus,
concéde, quæsumus, ut fratres nostri (Salesiáni) defúnti,
qui vitam suam impendérunt Evangélium nuntiántes
et sémitam sectántes Sancti Ioánnis, vultum tuum contempléntur,
atque nos in fide, spe et caritáte
iter ad te iúgiter prosequámur.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

LECTIO PRIMA

Dominus præcipitabit mortem in sempiternum.

Léctio libri Isaíæ prophétæ

25, 6-8a.9

In die illa: faciet Dóminus exercítuum
óm nibus pópulis in monte hoc
convívium pínguium,
convívium vini meri,
pínguium medullatórum,
vini deliquáti.

Et præcipitábit in monte isto
fáciem vínculi collígati super omnes pópulos
et telam, quam ordítus est super omnes natiónes.

Præcipitábit mortem in sempitérnium
et abstérget Dóminus Deus lácrimam ab omni fácie
et oppróbrium pópuli sui áuferet de unívrsa terra.

Et dicétur in die illa: «Ecce Deus noster iste,
exspectávimus eum, ut salváret nos;
iste Dóminus, sustinúimus eum:
exsultábimus et lætábimur in salutári eius».

Verbum Dómini.

Vel:

LECTIO PRIMA

Iuxta fidem defuncti sunt omnes isti.

Léctio Epístulæ ad Hebræos

11, 1-3.8-10.13-16

Fratres: est autem fides sperandórum substántia, rerum arguméntum non
apparéntium. In hac enim testimónium consecúti sunt senióres.

Fide intellégimus aptáta esse sácula verbo Dei, ut ex invisibílibus visibília
facta sint.

Fide vocátus Abraham obœdívit in locum exíre, quem acceptúrus erat in hereditátem, et exívit nésciens quo iret.

Fide peregrinátus est in terra promissionis tamquam in aliéna in cásulis habitádo cum Isaac et Iacob, coherédibus promissionis eiúsdem; exspectábat enim fundaménta habéntem civitátem, cuius ártifex et cónditor Deus.

Iuxta fidem defúnti sunt omnes isti, non accéptis promissionibus, sed a longe eas aspiciéntes et salutántes, et confiténtes quia peregríni et hópites sunt supra terram: qui enim hæc dicunt, significant se pátriam inquirere. Et si quidem illíus meminissent, de qua exierant, habébant útique tempus reverténdi; nunc autem meliõrem áppetunt, id est cæléstem. Ideo non confúnditur Deus vocári Deus eórum, parávit enim illis civitátem.

Verbum Dómini.

PSALMUS RESPONSORIUS

Ps 122 (121), 1-2. 4-5. 6-7. 8-9

R. In domum Dómini lætántes íbimus.

Lætátus sum in eo quod dixérunt mihi:

«In domum Dómini íbimus».

Stantes iam sunt pedes nostri
in portis tuis, Ierúsalem. **R.**

Illuc enim ascendérunt tribus, tribus Dómini,
testimónium Israel, ad confiténdum nómini Dómini.

Quia illic sedérunt sedes ad iudícium,
sedes domus David. **R.**

Rogáte, quæ ad pacem sunt Ierúsalem:

«Secúri sint diligéntes te!

Fiat pax in muris tuis,
et sécuritas in túrribus tuis!» **R.**

Propter fratres meos et próximos meos
loquar: «Pax in te!».

Propter domum Dómini Dei nostri
exquíram bona tibi. **R.**

ALLELUIA

Cf Mt 24, 46

R. Allelúia, allelúia.

Beátus ille servus,
quem cum vénerit dóminus eius invénerit vigilántem.

R. Allelúia.

EVANGELIUM

Omni cui multum datum est, multum quæretur ab eo.

Léctio sancti Evangélli secúndum Lucam

12, 35-48

In illo témpore, dixit Iesus discíplis suis: «Sint lumbi vestri præcíncti et lucérnæ ardéntes, et vos símiles homínibus exspectántibus dóminum suum, quando revertátur a núptiis, ut, cum vénerit et pulsáverit, conféstim apé-riant ei. Beáti servi illi, quos cum vénerit dóminus invénerit vigilántes. Amen dico vobis, quod præcínget se et fáciat illos discúmbere, et tránsiens ministrábit illis. Et si vénerit in secúnda vigília et si in tértia vigília vénerit et ita invénerit, beáti sunt illi. Hoc autem scitóte quia, si sciret pater famílias qua hora fur veníret, non síneret pérfodi domum suam. Et vos estóte paráti, quia, qua hora non putátis, Fílius hóminis venit».

Ait autem Petrus: «Dómine, ad nos dicis hanc parábolam an et ad omnes?». Et dixit Dóminus: «Quis putas est fidélis dispensátor et prudens, quem constitúet dóminus super famíliam suam, ut det illis in témpore trítici mensúram? Beátus ille servus, quem cum vénerit dóminus eius invénerit ita faciéntem. Vere dico vobis: Supra ómnia, quæ póssidet, constituet illum. Quod si díxerit servus ille in corde suo: “Moram facit dóminus meus veníre”, et cœperit percútere púeros et ancíllas et édere et bíbere et inebriári, véniet dóminus servi illíus in die, qua non sperat, et hora, qua nescit, et dívidet eum partémque eius cum infidélibus ponet. Ille autem servus, qui cognóvit voluntátem dómini sui et non præparávit vel non fecit secúndum voluntátem eius, vapulábit multis; qui autem non cognóvit et fecit digna plagis, vapulábit páucis. Omni autem, cui multum datum est, multum quæ- rétur ab eo, et cui commendavérunt multum, plus petent ab eo».

Verbum Dómini.

ORATIO UNIVERSALIS: cf pp. 133-134.

SUPER OBLATA

Hæc nostræ reconciliatiónis hóstia
 tríbuat frátribus nostris, quæsumus, Dómine,
 peccatórum véniam et ætérnam lucem
 ut, qui ánimam suam posuérunt pro adulescéntium salútem,
 vitam consequántur ætérnam.
 Per Christum Dóminum nostrum.

PRÆFATIO

«De vita terrena ad gloriam cælestem»

Ÿ. Dóminus vobíscum.

℞. Et cum spírítu tuo.

Ÿ. Sursum corda.

℞. Habémus ad Dóminum.

Ÿ. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
 nos tibi semper et ubíque grátias ágere:
 Dómine, sancte Pater, omnípotens ætérne Deus.

Cuius império náscimur, cuius arbítrio régimur,
 cuius præcépto in terra, de qua sumpti sumus,
 peccáti lege absólvimur.

Et, qui per mortem Fílii tui redémpti sumus,
 ad ipsíus resurrectiós glóriam
 tuo nutu excitámur.

Et ídeo, cum Angelórum atque Sanctórum turba,
 hymnum laudis tibi cánimus, sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

ANT. AD COMMUNIONEM

Lc 12, 36-37a

Et vos símiles homínibus expectántibus dóminum suum,
 quando revertátur a núptiis,
 ut, cum vénerit et pulsáverit, conféstim apérianť ei.
 Beáti servi illi,
 quos cum vénerit dóminus invénerit vigilántes.

POST COMMUNIONEM

Præsta, quæsumus, omnípotens et miséricors Deus,
 ut ánimæ fratrum, pro quibus hoc sacrificium laudis
 tuæ obtúlimus maiestáti,
 per huius virtútem sacraménti,
 mercédem recípiant sempitérnam,
 quam operáriis promisísti laborántibus in vínea tua.
 Per Christum Dóminum nostrum.

BENEDICTIO SOLLEMNIS

Benedícat vos Deus totíus consolatiónis,
 qui hóminem ineffábili bonitáte creávit,
 et in resurrectióne Unigéniti sui
 spem credéntibus resurgéndi concéssit.

R̄. Amen.

Nobis, qui vívimus, véniam tríbuat pro peccátis,
 et ómnibus defúntis locum concédát lucis et pacis.

R̄. Amen.

Ut omnes cum Christo sine fine feliciter vivámus,
 quem resurrexísse a mórtuis veráciter crédimus.

R̄. Amen.

Benedícat vos omnípotens Deus,
 Pater, et Fílius, ✠ et Spíritus Sanctus.

R̄. Amen.

Die 12 martii

Beati ALOISII ORIONE presbyteri

COLLECTA

Deus, qui beáto Aloísio, presbýtero,
Unigénitum tuum in egénis diligere
et iúvenes ad pietátem et christiánam vitam
institúere tribuísti,
concéde, quæsumus,
ut eius exémpla sectántes,
et nos misericórdiæ opéribus abundémus
atque caritátis Christi testes in mundo inveniámur.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

Lectiones sumuntur ex Lectionario feriali.

ORATIO UNIVERSALIS: cf p. 135.

Die 6 maii

Sancti DOMINICI SAVIO adulescentis

Festum.

Ubi celebratur gradu sollemnitatis (quia Titularis ecclesiæ vel oratorii publici dedicatum vel benedictorum) proclamantur tres lectiones et dicitur Credo; dummodo tamen non transferatur in diebus dominicis Temporis Paschalis.

ANT. AD INTROITUM

Cf Ap 14, 5.4b

Gaudeamus omnes in Dómino
diem festum celebrantes beáti Domínici,
qui Agnum séquitur sine mácula, quocúmque abierit:
primítiæ Deo et Agno.

Dicitur Gloria in excelsis.

COLLECTA

Bonórum fons et largítor, Deus, qui in sancto Domínico
mirábile adulescéntibus pietátis ac puritátis exémpplar dedísti,
præsta quæsumus,
ut in lætítia tibi serviéntes,
usque ad plenitúdinem Christi Fílii tui succrésce valeámus.
Qui tecum vivit et regnat in unitáte Spíritus Sancti, Deus,
per ómnia sǎcula sǎculórum.

Vel, pro religiosis:

Fons vitæ, Deus, et omnis lætitiæ largitor,
 qui sanctum Dominicum in Ecclesia tua
 signum spei et sanctitatis exemplar adulescētibus tradidisti,
 concède propitius,
 ut ipsi casto corpore ac mundo corde succrescant,
 atque institutores ad Christi regnum ædificandum eosdem adducant.
 Qui tecum vivit et regnat in unitate Spiritus Sancti, Deus,
 per omnia sæcula sæculorum.

LECTIO PRIMA

Omnia probate, quod bonum est tenete.

Lectio Epistulæ primæ beati Pauli apostoli ad Thessalonicenses 5, 12-24

Rogamus vos, fratres, ut novëritis eos, qui laborant inter vos et præsent vobis in Dõmino et monent vos, ut habeatis illos superabundanter in caritate propter opus illorum. Pacem habete inter vos.

Hortamur autem vos, fratres: corripite inquietos, consolamini pusillanimes, suscipite infirmos, longanimes estote ad omnes. Videte, ne quis malum pro malo alicui reddat, sed semper, quod bonum est, sectamini et in invicem et in omnes. Semper gaudete, sine intermissione orate, in omnibus gratias agite; hæc enim voluntas Dei est in Christo Iesu erga vos. Spiritum nolite extinguere, prophetias nolite spernere; omnia autem probate, quod bonum est tenete, ab omni specie mala abstinete vos.

Ipse autem Deus pacis sanctificet vos per omnia, et integer spiritus vester et anima et corpus sine querela in adventu Dõmini nostri Iesu Christi servetur. Fidelis est, qui vocat vos, qui etiam faciet.

Verbum Dõmini.

℞. Beáti qui ámbulant in lege Dómini.

In quo mundábit adulescéntior viam suam?
In custodiéndo sermónes tuos.
In toto corde meo exquisívi te,
ne erráre me fácias a præcéptis tuis. ℞.

In corde meo abscondi elóquia tua,
ut non peccem tibi.
Benedíctus es, Dómine;
doce me iustificatiónes tuas. ℞.

Mirabilia testimónia tua,
ídeo servávit ea ánima mea.
Declarátio sermónum tuorum illúminat
et intelléctum dat párvulis. ℞.

Pax multa diligéntibus legem tuam,
et non est illis scándalum.
Exspectábam salutáre tuum, Dómine,
et præcépta tua feci. ℞.

ALLELUIA

Io 6, 35

℞. Allelúia, allelúia.

Ego sum panis vitæ, dicit Dóminus.
Qui venit ad me, non esúriet;
et, qui credit in me, non sitiet umquam.

℞. Allelúia.

EVANGELIUM

Est puer hic, qui habet quinque panes et duos pisces.



Léctio sancti Evangélii secúndum Ioánnem

6, 1-15

In illo témpore, ábiit Iesus trans mare Galilææ, quod est Tiberiádis. Et sequebátur eum multitúdo magna, quia vidébant signa, quæ faciébat super his, qui infirmabántur. Súbiit autem in montem Iesus et ibi sedébat cum discípulis suis.

Erat autem próximum Pascha, dies festus Iudæórum. Cum sublevásset ergo óculos Iesus et vidísset quia multitúdo magna venit ad eum, dicit ad Philíppum: «Unde emémus panes, ut mandúcent hi?». Hoc autem dicébat tentans eum; ipse enim sciébat quid esset factúrus. Respóndit ei Philíppus: «Ducentórum denariórum panes non sufficiunt eis, ut unusquisque módicum quid accípiat!». Dicit ei unus ex discípulis eius, Andréas frater Simónis Petri: «Est puer híc, qui habet quinque panes hordeáceos et duos pisces; sed hæc quid sunt propter tantos?». Dixit Iesus: «Fácite hómines discúmbere».

Erat autem fenum multum in loco. Discubuérunt ergo viri número quasi quinque mília. Accépit ergo panes Iesus et, cum grátias egísset, distribuit discumbéntibus, simíliter et ex píscibus, quantum volébant. Ut autem impléti sunt, dicit discípulis suis: «Collígite, quæ superavérunt, fragménta, ne quid péreat». Collegérunt ergo et implevérunt duódecim cóphinos fragmentórum ex quinque pánibus hordeáceis, quæ superfuérunt his, qui manducavérunt.

Illi ergo hómines, cum vidísset quod fécerat signum, dicébant: «Hic est vere prophéta, qui venit in mundum!». Iesus ergo, cum cognovísset quia ventúri essent, ut ráperent eum et fácerent eum regem, secéssit íterum in montem ipse solus.

Verbum Dómini.

Vel:

ALLELUIA

Cf Phil 2, 15b-16a

℞. Allelúia, allelúia.

Lucéte sicut luminária in mundo,
verbum vitæ continéntes.

℞. Allelúia.

EVANGELIUM

Estote parati.



Léctio sancti Evangéllii secúndum Lucam

12, 35-40

In illo témpore, dixit Iesus discíplis suis: «Sint lumbi vestri præcíncti et lucérnæ ardéntes, et vos símiles homínibus exspectántibus dóminum suum, quando revertátur a núptiis, ut, cum vénerit et pulsáverit, conféstim apériant ei. Beáti servi illi, quos cum vénerit dóminus invénerit vigilántes. Amen dico vobis, quod præcínget se et fáciat illos discúmbere, et tránsiens ministrábit illis. Et si vénerit in sécunda vigília et si in tértia vigília vénerit et ita invénerit, beáti sunt illi.

Hoc autem scitóte quia, si sciret pater famílias qua hora fur veníret, non síneret pérfodi domum suam. Et vos estóte paráti, quia, qua hora non putátis, Fílius hóminis venit».

Verbum Dómini.

Ubi celebratur gradu sollemnitatis, additur prima lectio quæ sequitur, cum psalmo responsorio:

LECTIO PRIMA

Stabant in circuitu throni amicti stolis albis, et palmæ in manibus eorum.

Léctio libri Apocalýpsis beáti Ioánnis apóstoli

7, 9-17

Ego Ioánnes vidi: et ecce turba magna, quam dinumeráre nemo póterat, ex ómnibus géntibus et tríbutus et pópulis et linguis stantes ante thronum

et in conspéctu Agni, amícti stolis albis, et palmæ in mánibus eórum; et clámant voce magna dicétes: «Salus Deo nostro, qui sedet super thronum, et Agno».

Et omnes ángeli stabant in circúitu throni et seniórum et quáttuor animá-
lium, et cecidérunt in conspéctu throni in fácies suas et adoravérunt Deum
dicétes:

«Amen! Benedíctio et glória et sapiéntia et gratiárum actio et honor et vir-
tus et fortitúdo Deo nostro in sǽcula sǽculórum. Amen».

Et respóndit unus de senióribus dicens mihi: «Hi qui amícti sunt stolis al-
bis, qui sunt et unde venérunt?». Et dixi illi: «Dómine mi, tu scis». Et dixit
mihi: «Hi sunt qui veniunt de tribulatióne magna et lavérunt stolas suas
et dealbavérunt eas in ságuine Agni. Ideo sunt ante thronum Dei et sér-
viunt ei die ac nocte in templo eius; et, qui sedet in throno, habitábit super
illos. Non esúrient ámplius neque sítient ámplius, neque cadet super illos
sol neque ullus æstus, quóniam Agnus, qui in médio throni est, pascet il-
los et dedúcet eos ad vitæ fontes aquárum, et abstérget Deus omnem lácri-
mam ex óculis eórum».

Verbum Dómini.

PSALMUS RESPONSORIUS

Ps (24) 23, 1-2. 3-4. 5-6

R. Beáti mundo corde, quóniam ipsi Deum vidébunt.

Dómini est terra et plenitúdo eius,
orbis terrárum et qui hábitant in eo.

Quia ipse super mária fundávit eum
et super flúmina firmávit eum. **R.**

Quis ascéndet in montem Dómini,
aut quis stabit in loco sancto eius?
Innocens mánibus et mundo corde,
qui non levávit ad vana ánimam suam,
nec iurávit in dolum. **R.**

Hic accípiet benedictiónem a Dómino
et iustificatióne a Deo salutári suo.

Hæc est generátio quæréntium eum,
quæréntium fácies Dei Iacob. **R.**

ORATIO UNIVERSALIS: cf pp. 136-137.

SUPER OBLATA

Salutáris hóstia, quam tibi offérimus, Dómine,
seráphico nos inflámmet ardóre,
quo sanctus Domínicus veheménter æstuávit.
Per Christum Dóminum nostrum.

PRÆFATIO

«Docilis Spiritui Sancto in læta sanctitate»

Ÿ. Dóminus vobíscum.

℞. Et cum spírítu tuo.

Ÿ. Sursum corda.

℞. Habémus ad Dóminum.

Ÿ. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere,
Dómine, sancte Pater, omnípotens ætérne Deus.

Qui in sanctórum concílio celebráris,
quóniam luce immortalí adulescéntem Domínicum decorásti:
tuo enim ductus Spírítu,
témptore in brevi itínera magna explévit,
ad simplicem ac tutam consequéndam sanctitátem,
læto corde in cotidiánis officiis fidéliter expléndis.

Et ídeo cum Angelis et Sanctis
glóriam tuam prædicámus
una voce dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

ANT. AD COMMUNIONEM

Io 6, 51

Ego sum panis vivus qui de cælo descendi, dicit Dóminus.
 Si quis manducáverit ex hoc pane, vivet in ætérnum;
 panis autem, quem ego dabo,
 caro mea est pro mundi vita.

POST COMMUNIONEM

Divína mensa refécti,
 tuam in nobis, quæsumus, Dómine, réfove grátiam,
 ut, beáti Domínici vestigia secúti,
 ad portum salutis fratres perdúcere valeámus.
 Per Christum Dóminum nostrum.

BENEDICTIO SOLLEMNIS

Deus Pater,
 super vos convocátos in festivitáte sancti Domínici,
 benedictiónis suæ grátiam et dilectiónis divítias infúndat.

R̄. Amen.

Deus Fílius,
 vobis a peccáto per mortem ipsíus liberátis,
 eius amicítiam semper quærere concédát,
 ómnibus diébus vitæ vestræ.

R̄. Amen.

Deus Spíritus Sanctus,
 qui apostólicæ vitæ exémplar in sancto Domínico effínxit,
 testificándæ fidei virtútem super vos infúndat.

R̄. Amen.

Benedícat vos omnípotens Deus,
 Pater, et Fílius, ✠ et Spíritus Sanctus.

R̄. Amen.

Die 13 maii

**Sanctæ MARIÆ DOMINICÆ
MAZZARELLO virginis
Confundatricis
Instituti Filiarum Mariæ Auxiliatricis**

Festum; pro Instituto Filiarum Mariæ Auxiliatricis: sollemnitatis.

Si sollemnitatis occurrat diebus dominicis Paschæ, transfertur in sequenti proximo die libero. Ubi celebratur gradu sollemnitatis (quia Titularis ecclesiæ vel oratorii publici dedicatarum vel benedictorum) proclamantur tres lectiones et dicitur Credo; dummodo tamen non transferatur in diebus dominicis Temporis Paschalis.

ANT. AD INTROITUM

Ps 118 (117), 16.29

Déxtera Dómini exaltáta est;
déxtera Dómini fecit virtútem.
Confitémini Dómino quóniam bonus,
quóniam in sǎculum misericórdia eius (T.P. Allelúia).

Vel:

Sir 51, 18b.20

Quæsívi sapiéntiam in oratióne mea;
lætátum est cor meum in ea;
ambulávit pes meus iter rectum;
a iuventúte mea investigábam eam (T.P. Allelúia).

Dicitur Gloria in excelsis.

COLLECTA

Deus, qui beátam Mariám Dominicam vírginem,
 humilitáte præcélsam et caritáte flagrántem,
 cristiánæ professiõnis et religiósæ conversatiõnis spécimen fecisti,
 fac nos veritátem tuam
 et simplicitáte cordis quærere et opéribus iúgiter profiteri.
 Per Dóminum nostrum Iesum Christum Fílium tuum,
 qui tecum vivit et regnat in unitáte Spíritus Sancti, Deus,
 per ómnia sæcula sæculórum.

Vel, pro religiosis:

Deus, omnis bonitátis fons et largítor,
 qui húmiles potíssimum díligis atque caritátis tuæ Spíritum
 in corda simplicium et páuperum effúndis,
 preces nostras exáudi,
 quas in festivitáte sanctæ Mariæ Dominicæ tibi extóllimus;
 ut eiúsdem quæ, in hac religiósa instituenda família,
 sanctum Ioánnem magístrum hábuit et patrem,
 sédulo præcépta sequámur
 et educatiõnis munus amábili humanitáte imitémur.
 Per Dóminum nostrum Iesum Christum Fílium tuum,
 qui tecum vivit et regnat in unitáte Spíritus Sancti, Deus,
 per ómnia sæcula sæculórum.

LECTIO PRIMA

Infirma mundi elegit Deus, ut confundat fortia.

Léctio Epístulæ primæ beáti Pauli apóstoli ad Corínthios 1, 26-31

Vidéte vocatiõnem vestram, fratres, quia non multi sapiéntes secúndum carnem, non multi poténtes, non multi nóbiles; sed, quæ stulta sunt mundi, elégit Deus, ut confúndat sapiéntes, et infirma mundi elégit Deus, ut confúndat fórtia, et ignobília mundi et contemptibília elégit Deus, quæ non sunt, ut ea, quæ sunt, destrúeret, ut non gloriétur omnis caro in conspéctu Dei.

Ex ipso autem vos estis in Christo Iesu, qui factus est sapiéntia nobis a Deo et iustítia et sanctificátio et redémptio, ut quemádmódum scriptum est: «Qui gloriátur, in Dómino gloriétur».

Verbum Dómini.

PSALMUS RESPONSORIUS

Ps 52 (51), 10. 11

R̄. Spero in misericórdia tua, Dómine.

Ego sicut virens olíva in domo Dei.

Sperávi in misericórdia Dei
in ætérnum et in sǎculum sǎculi. R̄.

Confitébor tibi in sǎculum, quia fecísti;
et exspectábo nomen tuum,
quóniam bonum est, in conspéctu sanctórum tuorum. R̄.

ALLELUIA

Mt 11, 29

R̄. Allelúia, allelúia.

Díscite a me, quia mitis sum et húmilis corde, dicit Dóminus;
et inveniétis réquiem animábus vestris.

R̄. Allelúia.

EVANGELIUM

Confiteor tibi, Pater, quod revelasti ea parvulis.



Léctio sancti Evangélii secúndum Lucam

10, 21-28

In illa hora exsultávit Iesus Spíritu Sancto et dixit: «Confíteor tibi, Pater, Dómine cæli et terræ, quod abscondísti hæc a sapiéntibus et prudéntibus et revelásti ea párvulis; étiam, Pater, quia sic plácuít ante te. Omnia mihi tráditá sunt a Patre meo; et nemo scit qui sit Fílius nisi Pater, et qui sit Pater nisi Fílius et cui volúerit Fílius reveláre».

Et convérsus ad discipulos seórsum dixit: «Beáti óculi, qui vident, quæ vidétis. Dico enim vobis: Multi prophétæ et reges voluérunt vidére, quæ vos vidétis, et non vidérunt, et audíre quæ audítis, et non audierunt».

Et ecce quidam legis perítus surréxit tentans illum dicens: «Magíster, quid faciéndó vitam ætérmam possidébo?». At ille dixit ad eum: «In Lege quid scriptum est? Quómodo legis?». Ille autem respóndens dixit: «Díliges Dóminum Deum tuum ex toto corde tuo et ex tota ánima tua et ex ómnibus víribus tuis et ex omni mente tua et próximum tuum sicut teípsum». Dixítque illi: «Recte respondísti; hoc fac et vives».

Verbum Dómini.

Ubi celebratur gradu sollemnitatis, additur prima lectio quæ sequitur, cum psalmo responsorio:

LECTIO PRIMA

Beati qui ad cenam nuptiarum Agni vocati sunt.

Léctio libri Apocalýpsis beáti Ioánnis apóstoli

19, 1.5-9a

Ego Ioánnes audívi quasi vocem magnam turbæ multæ in cælo dicéntium: «Allelúia! Salus et glória et virtus Deo nostro».

Et vox de throno exívit dicens:

«Laudem dícite Deo nostro, omnes servi eius et qui tímétis eum, pusílli et magni!».

Et audívi quasi vocem turbæ magnæ et sicut vocem aquárum multárum et sicut vocem tonítruum magnórum dicéntium:

«Allelúia,

quóniam regnávít Dóminus, Deus noster omnípotens.

Gaudeámus et exsultémus et demus glóriam ei, quia venérunt núptiæ Agni, et uxor eius præparávit se.

Et datum est illi, ut coopériat se býssino splendénti mundo: býssinum enim iustificatiónes sunt sanctórum».

Et dicit mihi: «Scribe: Beáti, qui ad cenam nuptiárum Agni vocáti sunt!».

Verbum Dómini.

R. Laudábo Dóminum in vita mea.

Laudáte Dóminum de cælis,
laudáte eum in excélsis.
Laudáte eum, omnes ángeli eius,
laudáte eum, omnes virtútes eius. **R.**

Laudáte eum, sol et luna,
laudáte eum, omnes stellæ lucéntes.
Reges terræ et omnes pópuli,
príncipes et omnes iúdice terræ. **R.**

Iúvenes et vírgines,
senes cum iunióribus,
laudent nomen Dómini,
quia exaltátum est nomen eius solíus. **R.**

Magnificéntia eius super cælum et terram,
et exaltávit cornu pópuli sui.
Hymnus ómnibus sanctis eius,
filiis Israel, pópulo, qui propínquus est ei. **R.**

ORATIO UNIVERSALIS: cf pp. 138-139.

SUPER OBLATA

Súscipe, quæsumus, Dómine,
salutárem hóstiam, quam tibi
in beátæ Maríæ Domínicæ festivitáte (memória) offérimus,
et illo nos igne caritátis inflámma,
quo ipsa nobis exémpplar præcéssit insígne.
Per Christum Dóminum nostrum.

Vel, pro religiosis:

Súscipe, quæsumus, Dómine, nostræ servitútis múnera,
quæ tibi sacránda detúlimus;
et, intercedénte beáta María Domínica,

quam religiósæ vitæ magístram nobis dedísti,
 concéde, ut, in cotidiánis officiis,
 vocationem tuam lætántes vivámus.
 Per Christum Dóminum nostrum.

PRÆFATIO

«Virgo prudens et vigilans»

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
 nos tibi semper et ubíque grátias ágere,
 Dómine, sancte Pater,
 omnípotens ætérne Deus.

Quia sanctam Mariám Domínicam vírginem excitásti,
 prudéntia et vigilántia præcláram,
 ut ómnibus exémples exhiberétur
 sollicitæ fidelitátis et patiéntis caritátis,
 sincéræ humilitátis et operósæ paupertátis,
 obœdiéntiæ lætæ et confidéntis resignatiónis.

Eamque per Spírítum tuum vocásti
 ut una cum sancto Ioánne
 nova prole Ecclésiám tuam locupletáres,
 atque ínsimul inter adulescéntes
 tamquam signum lucéret illíus imménsæ caritátis,
 quam in Christo Fílio tuo tradidísti.

Et ídeo cum Angelórum atque Sanctórum turba
 hymnum laudis tibi cánimus,
 sine fine dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

ANT. AD COMMUNIONEM

Cf Lc 10,21

Confíteor tibi, Pater,
quod abscondísti hæc a sapiéntibus et prudéntibus
et revelásti ea párvulis;
étiam, Pater, quia sic plácuít ante te (T.P. Allelúia).

Vel:

Lc 10,27

Dicit Dóminus:
Díliges Dóminum Deum tuum ex toto corde tuo
et ex tota ánima tua
et ex ómnibus víribus tuis
et ex omni mente tua
et próximum tuum sicut teípsum (T.P. Allelúia).

POST COMMUNIONEM

Dómine, Deus noster, huius participátio sacraménti,
[exémplo sanctæ Mariæ Domínicæ]
in nobis fóveat caritátis ardórem,
ut te unum et summum bonum quærámus,
fratres fírmiter diligámus,
et ministérium nostrum in dies iucúndius prosequámur.
Per Christum Dóminum nostrum.

BENEDICTIO SOLLEMNIS

Deus, Pater omnípotens, qui vos hódie
ad festivitátem sanctæ Mariæ Domínicæ, vóluit adunáre,
ipse vos lætítia, humilitáte
et evangélica caritáte fáciat abundáre.

R̄. Amen.

Christus, qui resurrectionis suæ
partícipem sanctam Mariám Domínicam effécit,
vestram vitam suscípiat
ut gratam et fructuósam oblatiónem.

R̄. Amen.

Spíritus Sanctus,
qui in sancta María Domínica pietátis et consílii dona effúdit,
vos reddat sollértes in Deo inquirendo
ac in Ecclésiæ ministrando.

R̄. Amen.

Benedícat vos omnípotens Deus,
Pater, et Fílius, ✠ et Spíritus Sanctus.

R̄. Amen.

Die 19 maii

Sancti LEONARDI MURIALDO presbyteri

ANT. AD INTROITUM

Mc 10, 14

Sínite párvulos veníre ad me:
tálium est enim regnum Dei (T.P. Allelúia).

COLLECTA

Deus, bonórum fons ómnium, qui in sancto Leonárdo
órphanis patrem et téneris opificibus ducem dedísti,
eius intercessióne, nobis concéde,
tuæ caritátis præcépta sectári
in frátribus nostris ministrándis.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

Lectiones sumuntur ex Lectionario feriali; pro pastoralis opportunitate autem etiam quæ
sequuntur ad libitum proclamari possunt.

LECTIO PRIMA

Tamquam pater filios suos, deprecati sumus vos.

Lectio Epístulæ primæ beāti Pauli apóstoli ad Thessalonicenses 2, 2b-12

Fratres, fidúciam habúimus in Deo nostro loqui ad vos evangélium Dei in multa sollicitúdi- ne. Exhortátio enim nostra non ex erróre neque ex im- mundítia neque in dolo, sed sicut probáti sumus a Deo, ut crederétur no- bis evangélium, ita lóquimur non quasi homínibus placéntes sed Deo, qui probat corda nostra.

Neque enim aliquándo fúimus in sermóne adulatiónis, sicut scitis, neque sub prætéxtu avarítia, Deus testis, nec quæréntes ab homínibus glóriam, neque a vobis neque ab áliis, cum possímus óneri esse ut Christi apóstoli, sed facti sumus párvuli in médio vestrum, tamquam si nutrix fóveat fílios suos, ita desiderántes vos, cúpide volebámus trádere vobis non solum evan- gélium Dei, sed étiam ánimas nostras, quóniam caríssimi nobis facti estis.

Mémores enim estis, fratres, labórem nostrum et fatigatió- nem; nocte et die operántes, ne quem vestrum gravaré- mus, prædicávimus in vobis evan- gélium Dei. Vos testes estis et Deus, quam sancte et iuste et sine queréla vobis, qui credídistis, fúimus, sicut scitis, quáliter unumquémque vestrum, tamquam pater filios suos, deprecántes vos et consolántes testificáti sumus, ut ambularétis digne Deo, qui vocat vos in suum regnum et glóriam.

Verbum Dómini.

PSALMUS RESPONSORIUS

Ps 34 (33), 2-3. 4-5. 6-7. 8-9. 10-11

R. Laudáte Dóminum mecum.

Benedícam Dóminum in omni témpore,
semper laus eius in ore meo.

In Dómino gloriábitur ánima mea,
áudiant mansuétí et læténtur. **R.**

Magnificáte Dóminum mecum,
et exaltémus nomen eius in idípsum.
Exquisívi Dóminum, et exaudívit me
et ex ómnibus terróribus meis erípuit me. **R.**

Respícite ad eum, et illuminámini
et fácies vestræ non confundéntur.

Iste pauper clamávit, et Dóminus exaudivit eum
et de ómnibus tribulatióibus eius salvávit eum. *R̄.*

Vallábit ángelus Dómini in circúitu tímentes eum
et erípiet eos.

Gustáte et vidéte quóniam suávis est Dóminus;
beátus vir, qui sperat in eo. *R̄.*

Timéte Dóminum, sancti eius,
quóniam non est inópia tíméntibus eum.

Dívites eguérunt et esuriérunt,
inquiréntes autem Dóminum non deficiént omni bono. *R̄.*

ALLELUIA

Mc 10, 15

R̄. Allelúia, allelúia.

Quisquis non recéperit regnum Dei velut párvulus,
non intrábit in illud.

R̄. Allelúia.

EVANGELIUM

Vade, quæcumque habes vende et da pauperibus; deinde veni et sequere me.



Léctio sancti Evangélii secúndum Marcum

10, 13-21

In illo témpore, offerébant illi párvulos, ut tángeret illos; discípuli autem
comminabántur eis. At videns Iesus, indígne tulit et ait illis: «Sínite párvu-
los veníre ad me. Ne prohibuéritis eos; tálium est enim regnum Dei. Amen
dico vobis: Quisquis non recéperit regnum Dei velut párvulus, non intrá-
bit in illud». Et compléxans eos benedicébat impónens manus super illos.

Et cum egrederétur in viam, accúrrens quidam et, genu flexo ante eum,
rogábat eum: «Magíster bone, quid fáciam ut vitam ætérnam percípiam?». Iesus autem dixit ei: «Quid me dicis bonum? Nemo bonus nisi unus Deus. Præcépta nosti: ne occídas, ne adúlteres, ne furéris, ne falsum testimónium dixeris, ne fráudem féceris, honóra patrem tuum et matrem».

Ille autem dixit ei: «Magíster, hæc ómnia conservávi a iuventúte mea». Iesus autem intúitus eum diléxit eum et dixit illi: «Unum tibi deest: vade, quæcúmque habes, vende et da paupéribus et habébis thesáurum in cælo et veni, séquere me».

Verbum Dómini.

ORATIO UNIVERSALIS: cf p. 140.

SUPER OBLATA

Súscipe, Dómine, oblatiónes,
 quas tibi sacrándas detúlimus, in memória sancti Leonárdi:
 ut, qui sacrificio intérsumus,
 plenitúdinem tuæ miseratiónis consequámur.
 Per Christum Dóminum nostrum.

PRÆFATIO

Extra Tempus paschale sumitur præfatio ac in memoria sancti Ioseph Cafasso (cf p. 68).

«De restauratione universi per mysterium paschale»

☩. Dóminus vobíscum.

℞. Et cum spírítu tuo.

☩. Sursum corda.

℞. Habémus ad Dóminum.

☩. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre:
 Te quidem, Dómine, omni témpore confitéri,
 sed in hoc potíssimum gloriósius prædicáre,
 cum Pascha nostrum immolátus est Christus.

Qui, oblatióne córporis sui,
 antíqua sacrificia in crucis veritáte perfécit,
 et, seípsum tibi pro nostra salúte comméndans,
 idem sacérdos, altáre et agnus exhibuit.

Quaprópter, profúsis paschálibus gáudiis,
totus in orbe terrárum mundus exsúltat.
Sed et supérnæ virtútes atque angélicæ potestátes
hymnum glóriæ tuæ cóncinunt,
sine fine dicétes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

ANT. AD COMMUNIONEM

Cf 1 Io 4, 21

Et hoc mandátum habémus a Dómino,
ut qui díligit Deum,
díligat et fratrem suum (T.P. Allelúia).

POST COMMUNIONEM

Dómine, Deus noster,
qui cælésti nos refecísti virtúte,
præsta, quæsumus,
ut, exémplo sancti Leonárdi,
caritátem erga humilióres et fidelitátem in veritáte
osténdere valeámus.
Per Christum Dóminum nostrum.

Die 24 maii

**BEATÆ MARIÆ VIRGINIS,
titulo AUXILIUM CHRISTIANORUM
Patronæ principalis
Instituti Filiarum Mariæ Auxiliatricis
necnon universæ Familiæ Salesianæ**

Sollemnitas.

Si sollemnitas occurrat diebus dominicis Paschæ, transfertur in sequenti proximo die libero. Ubi ratio pastoralis id consulit, si sollemnitas occurrit in feriis, transferri potest in dominicis diebus Temporis per annum, adhibito formulario proprio in omnibus Missis cum populi concursu.

ANT. AD INTROITUM

Cf Idt 13, 18b.19

Benedícta tu es, Virgo María, a Deo excélsa
præ ómnibus muliéribus, quæ sunt super terram;
quia nomen tuum ita magnificávit,
ut non recédât laus tua de ore hóminum (T.P. Allelúia).

Dicitur Gloria in excelsis.

COLLECTA

Deus, qui beátam Vírginem Mariám
matrem et auxiliúm christianórum constituísti,
eiusdem intercessióne Ecclésiám tuam confírma,
ut, quæ vel íntime premant vel úrgeant extérius,
tóleret paciéntia, vincat amóre,
ad loquéndum coram homínibus mystérium Christi.
Qui tecum vivit et regnat in unitáte Spíritus Sancti, Deus,
per ómnia sácula sæculórum.

Vel, pro religiosis:

Omnípotens et miséricors Deus, qui mirábili providéntia
Víriginem Mariám matrem et christianórum auxiliúm effecísti:
eius Ecclésiæ tuæ intercessióne concede,
ut ánimo fidénti munus suum in mundo
ad regnum tuum dilatándum prosequátur.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sǎcula sǎculórum.

LECTIO PRIMA

Signum magnum apparuit in cælo: mulier amicta sole.

Léctio libri Apocalýpsis beáti Ioánnis apóstoli

12, 1.3a.7-12a.17

Signum magnum appáruit in cælo: múlier amícta sole, et luna sub pédi-
bus eius, et super caput eius coróna stellárum duódecim. Et visum est áliud
signum in cælo: et ecce draco rufus magnus, habens cápita septem et cór-
nua decem.

Et factum est próelium in cælo, Míchael et ángeli eius, ut próliaréntur cum
dracóne. Et draco pugnávit et ángeli eius, et non váluit, neque locus in-
véntus est eórum ámplius in cælo. Et proiéctus est draco ille magnus, ser-
pens antíquus, qui vocátur Diábolus et Sátanas, qui sedúcit univérsum
orbem; proiéctus est in terram, et ángeli eius cum illo proiécti sunt. Et au-
dívi vocem magnam in cælo dicéntem:

«Nunc facta est salus et virtus et regnum Dei nostri
et potéstas Christi eius,
quia proiéctus est accusátor fratrum nostrórum,
qui accusábat illos ante conspéctum Dei nostri die ac nocte.
Et ipsi vicérunt illum propter sánguinem Agni
et propter verbum testimónii sui;
et non dilexérunt ánimam suam usque ad mortem.
Proptérea lætámini, cæli et qui habitátis in eis».

Et irátus est draco in mulierem et ábiit fácere próelium cum réliquis de sé-
mine eius, qui custódiunt mandáta Dei et habent testimónium Iesu.

Verbum Dómini.

PSALMUS RESPONSORIUS

Ap 15, 3b. 4a. 4b

R. In hymnis et cánticis laudémus Dóminum.

Magna et mirabilia ópera tua,
Dómine Deus omnípotens;
iustæ et veræ viæ tuæ, Rex géntium! **R.**

Quis non timébit, Dómine,
et glorificábit nomen tuum?
Quia solus Sanctus. **R.**

Quóniam omnes gentes vénient
et adorábunt in conspéctu tuo,
quóniam iudícia tua manifestáta sunt. **R.**

LECTIO SECUNDA

Misit Deus Filium suum factum ex muliere, ut adoptionem filiorum reciperemus.

Léctio Epístulæ beáti Pauli apóstoli ad Gálatas 4, 4-7

Fratres: Ubi venit plenitúdo témporis, misit Deus Fílium suum, factum ex muliere, factum sub lege, ut eos qui sub lege erant, redímeret, ut adoptiónem filiórum reciperémus.

Quóniam autem estis filii, misit Deus Spíritum Fílii sui in corda nostra clamántem: «Abba, Pater!». Itaque iam non es servus sed fílius; quod si fílius, et heres per Deum.

Verbum Dómini.

ALLELUIA

R. Allelúia, allelúia.

Beáta Mater et Immaculáta Virgo María:
nunc et semper intercède pro nobis ad Dóminum Deum nostrum.

R. Allelúia.

EVANGELIUM

Quodcumque dixerit vobis, facite.



Léctio sancti Evangélii secúndum Ioánnem

2, 1-11

In illo témpore: núptiæ factæ sunt in Cana Galilææ, et erat mater Iesu ibi; vocátus est autem et Iesus et discípuli eius ad núptias. Et deficiente vino, dicit mater Iesu ad eum: «Vinum non habent». Et dicit ei Iesus: «Quid mihi et tibi, múlier? Nondum venit hora mea». Dicit mater eius minístris: «Quodcúmque díxerit vobis, fácite».

Erant autem ibi lapídeæ hýdriæ sex pósitoæ secúndum purificatióem Iudæórum, capiéntes síngulæ metrétas binas vel ternas. Dicit eis Iesus:

«Impléte hýdrias aqua». Et implevérunt eas usque ad summum. Et dicit eis: «Hauríte nunc et ferte architriclínó». Illi autem tulérunt. Ut autem gustávit architriclínus aquam vinum factam et non sciébat unde esset, minístri autem sciébant qui haurierant aquam, vocat sponsum architriclínus et dicit ei: «Omnis homo primum bonum vinum ponit et, cum inebriáti fúerint, id quod detérius est; tu servásti bonum vinum usque adhuc».

Hoc fecit inítium signórum Iesus in Cana Galilææ et manifestávit glóriam suam, et credidérunt in eum discípuli eius.

Verbum Dómini.

ORATIO UNIVERSALIS: cf pp. 141-142.

SUPER OBLATA

Oblatiónes et preces súscipe, Pater,
 quas tibi lætántes offérimus
 in sollemnitate beátæ Vírginis Mariæ Auxiliatricis;
 et præsta, eius intercessióne,
 ut, procedéntes in fide, spe et caritate,
 confórmes efficiámur Dómino Iesu Christo,
 qui suam pósitoit ánimam pro mundi vita.
 Qui vivit et regnat in sæcula sæculórum.

PRÆFATIO

«Maria mater peregrinantis populi»

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere,
Dómine, sancte Pater,
omnípotens ætérne Deus;
et te in sollemnitate Beátæ Mariæ semper Vírginis,
christianórum Auxiliatrícis,
collaudáre, benedícere et prædicáre.

Quóniam ancílla húmilis,
óm nibus ornáta virtútibus,
caritátis tuæ propósito ita adhæsit,
ut Fílio tuo consociarétur in terris
per obœdiéntiam fidei et ardórem caritátis,
atque in cælis conglorificarétur
ad matris munus in Ecclésia sédulo perficiéndum,
filios in perículis versántes ádiuvans
et in advérsis solácium præstans,
cum peregrinántur cæléstem versus Ierúsalem.

Et ídeo cæléstia tibi atque terréstria
cánticum novum cóncinunt
sine fine dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

ANT. AD COMMUNIONEM

Lc 1, 48.38

Beátam me dícent omnes generatiónes,
quia respéxit humilitátem ancíllæ suæ.
Ecce ancílla Dómini:
fiat mihi secúndum verbum tuum (T.P. Allelúia).

POST COMMUNIONEM

Pater omnipotens,
qui Dómini nostri Iesu Christi nos cælésti pane,
quem Virgo génuít María, satiásti;
præsta, quæsumus,
ut qui in eius resurrectiône
primitias creatúræ novæ contemplámur,
in novitáte vitæ ambulémus,
adventúmque regni tui exspectémus.
Per Christum Dóminum nostrum.

BENEDICTIO SOLLEMNIS

Deus Pater, qui Mariám Ecclésiæ Matrem
et christianórum constitúit Auxiliátricem,
amóris sui divítias super vos effúndat.

R. Amen.

Christus Iesus, qui de morte in cruce triúmphans,
beátam Vírginem Matrem nobis relíquit,
super vos vitæ suæ largitátem effúndat.

R. Amen.

Spíritus Sanctus, qui super discípulos,
in cenáculo adunátos cum beáta Vírgine María, descéndit,
testes vos fáciat eius resurrectiόνis.

R. Amen.

Benedícat vos omnipotens Deus,
Pater, et Fílius, ✠ et Spíritus Sanctus.

R. Amen.

Die 23 iunii

Sancti IOSEPH CAFASSO presbyteri

Memoria.

ANT. AD INTROITUM

Dan 12, 3

Qui docti fúerint,
fulgébunt quasi splendor firmaménti;
et qui ad iustítiam erúdiunt multos,
quasi stellæ in perpétuas æternitátes.

COLLECTA

Deus, qui sanctum Ioseph, presbýterum,
caritátis et sapiéntiæ donis mirabíliter decorásti,
quibus tui verbi et amóris adminístros
iuxta evangélicam efformáret veritátem,
præsta quæsumus ut nos quoque
tuæ pacis instruménta iúgiter exhibeámus.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

LECTIO PRIMA

In omnibus operibus tuis memorare novissima tua.

Lectio libri Sirácidæ

7, 31-40

In tota ánima tua time Dóminum
et sacerdótes illius sanctífica.
In omni virtúte tua dílige eum, qui te fecit,
et minístros eius ne derelínquas.
Honóra Deum ex tota ánima tua
et honorífica sacerdótes.
Da illis partem, sicut mandátum est tibi,
primitiárum et purgatiónis et de neglegéntia,
et armum in oblatiónem
et sacrificium sanctificatiónis et primitias sanctórum.
Et páuperi pórrige manum tuam,
ut perficiátur propitiátio et benedíctio tua.
Grátia dati in conspéctu omnis vivéntis,
sed et mórtuo non prohibeas gratiam.
Non desis plorántibus in consolatióne
et cum lugéntibus luge.
Non te pígeat visitáre infirmum,
ex his enim in dilectiÓne firmáberis.
In ómnibus opéribus tuis memoráre novíssima tua
et in ætérnum non peccábis.

Verbum Dómini.

PSALMUS RESPONSORIUS

Ps 112 (111), 1-2. 5-6a. 6b-8.9

R. Beátus vir qui timet Dóminum.

Beátus vir, qui timet Dóminum,
in mandátis eius cupit nimis.
Potens in terra erit semen eius,
generatió rectórum benedicétur. **R.**

Iucúndus homo,
 qui miserétur et cómmodat,
 dispónet res suas in iudício,
 quia in ætérnum non commovébitur. *R̄.*

In memória ætérna erit iustus,
 ab auditióne mala non timébit.
 Parátum cor eius, spérans in Dómino,
 confirmátum est cor eius, non timébit,
 donec despíciat inimícos suos. *R̄.*

Distribuit, dedit paupéribus;
 iustítia eius manet in sǎculum sǎculi,
 cornu eius exaltábitur in glória. *R̄.*

ALLELUIA

Cf Mc 12, 30-31

R̄. Allelúia, allelúia.

Díliges Dóminum Deum tuum
 ex toto corde tuo et ex tota ánima tua,
 et próximum tuum tamquam teípsum.

R̄. Allelúia.

EVANGELIUM

Diligere Deum et proximum maius est omnibus sacrificiis.



Léctio sancti Evangélii secúndum Marcum

12, 28-34a

In illo témpore, accéssit ad Iesum unus de scribis, qui audierat illos conquiréntes, videns quóniam bene illis respónderit, interrogávit eum: «Quod est primum ómnium mandátum?».

Iesus respóndit: «Primum est: “Audi, Israel: Dóminus Deus noster Dóminus unus est, et díliges Dóminum Deum tuum ex toto corde tuo et ex tota ánima tua et ex tota mente tua et ex tota virtúte tua”. Secúndum est illud: “Díliges próximum tuum tamquam teípsum”. Maius horum aliud mandátum non est».

Et ait illi scriba: «Bene, Magister, in veritate dixisti: “Unus est, et non est alius præter eum; et diligere eum ex toto corde et ex toto intellectu et ex tota fortitudine” et: “Diligere proximum tamquam seipsum” maius est omnibus holocaustibus et sacrificiis».

Et Iesus videns quod sapienter respondisset, dixit illi: «Non es longe a regno Dei».

Verbum Domini.

ORATIO UNIVERSALIS: cf p. 143.

SUPER OBLATA

Suscipe, Domine,
preces et mûnera pópuli tui, et præsta
ut qui Fílii tui imménsæ caritátis opus recólimus,
in tui et próximi dilectióne,
sancti Ioseph exémplo, confirmémur.
Per Christum Dóminum nostrum.

PRÆFATIO

«De præsentia sanctorum Pastorum in Ecclesia»

℣. Dóminus vobiscum.

℞. Et cum spíritu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubique grátias ágere,
Dómine, sancte Pater, omnípotens ætérne Deus:
per Christum Dóminum nostrum.

Quia sic tñibus Ecclésiam tuam
 sancti Ioseph festivitáte gaudére,
 ut eam exémplo piæ conversatiónis corróbores,
 verbo prædicatiónis erúdias,
 gratáque tibi supplicatióne tueáris.

Et ídeo, cum Angelórum atque Sanctórum turba,
 hymnum laudis tibi cánimus,
 sine fine dicétes:

Sanctus, Sanctus, Sanctus Dóminus Deus Sábaoth.
 Pleni sunt cæli et terra glória tua.
 Hosánna in excélsis.
 Benedictus qui venit in nómine Dómini.
 Hosánna in excélsis.

ANT. AD COMMUNIONEM

Lc 6, 36-37a.c.38a

Dicit Dóminus: Estóte misericórdes,
 sicut et Pater vester miséricors est.
 Et nolíte iudicáre et non iudicabímíni;
 dimíttite et dimittémíni;
 date et dábitur vobis.

POST COMMUNIONEM

Pater sancte et misericordiárum Dómine,
 qui nos córpore et ságuine Fílii tui satiásti,
 præsta, quæsumus, sancti Ioseph exémplo,
 ita nos toto corde tibi devovére,
 ut frátribus nostris, in dúbiis et angóribus degéntibus,
 constánter consulámus.
 Per Christum Dóminum nostrum.

Die 24 octobris

Beati ALOISII GUANELLA presbyteri

ANT. AD INTROITUM

Cf Mt 25, 34.40

Veníte, benedícti Patris mei, dicit Dóminus.
Amen dico vobis: quámdu fecístis misericórdiam
uni de his frátribus meis mínimis,
mihi fecístis.

COLLECTA

Deus, bonitátis fons et próvidens Pater,
qui beátum Aloísium presbýterum
mira in páuperes et derelíctos dilectióne decorásti;
præsta nobis, quæsumus,
ut tibi in caritáte iúgiter famulémur,
ómibus diébus vitæ nostræ.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

Lectiones sumuntur ex Lectionario feriali.

ORATIO UNIVERSALIS: cf p. 144.

SUPER OBLATA

Réspice, Pater, donā, quæ super altāre detúlimus,
memóriam celebrāntes beāti Aloísii
et præsta, eius intercessióne, devótam tibi gérere mentem,
et in fratrum servítio semper manére.
Per Christum Dóminum nostrum.

PRÆFATIO

«De actione Sanctorum»

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere,
Dómine, sancte Pater, omnípotens ætérne Deus:
per Christum Dóminum nostrum.

Tu enim Sanctórum tuórum confessióne mirábili
Ecclésiā tuā nova semper virtúte fecúndas,
nobisque certíssima præbes tuæ dilectiónis indícia.
Sed étiam, ad mystéria salutis implénda,
et ipsórum insígni incitámur exémplo
et pia intercessióne perpétuo commendámur.

Unde et nos, Dómine, cum Angelis et Sanctis univérsis
tibi confitémur, in exsultatióne dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

ANT. AD COMMUNIONEM

Cf Eph 5, 2

Ambulémus in dilectiōne,
sicut et Christus diléxit nos
et trádedit semetípsum pro nobis
oblatiōnem et hóstiam Deo
in odórem suavitátis.

POST COMMUNIONEM

Pater, qui tuos nos esse voluísti commensáles,
concede, quásumus, beáti Aloísii
apostólicam imitari multifórmem caritátem,
quam in advéntum Regni tui sédulo impéndit.
Per Christum Dóminum nostrum.

Die 25 octobris

In Anniversario Dedicationis ecclesiæ propriæ

Sollemnitas.

Anniversarium celebratur hac die in ecclesiis quarum dies Dedicationis non est nota. In ceteris ecclesiis celebratur die propria.

Semper adhibetur formularium de Commune Dedicationis ecclesiæ, iuxta Missale et Lectionarium Romanum.

Die 29 octobris

Beati MICHAELIS RUA presbyteri

ANT. AD INTROITUM

Mal 2, 6a.c.

Lex veritatis fuit in ore eius,
in pace et in æquitate ambulavit mecum.

COLLECTA

Deus Pater omnipotens,
cuius imaginem beatus presbyter Michael,
sancti Ioannis spiritalis heres,
in adulescentibus docuit excudendam,
fac nos quæsumus tua clarèscere sanctitate,
ut qui ad iuventutem educandam vocamur,
formam Filii tui exhibeamus ingenuam.
Qui tecum vivit et regnat in unitate Spiritus Sancti, Deus,
per omnia sæcula sæculorum.

Lectiones sumuntur ex Lectionario feriali; pro pastoralis opportunitate autem etiam quæ sequuntur ad libitum proclamari possunt.

LECTIO PRIMA

Duæ partes spiritus tui fiant in me.

Léctio libri secúndi Regum

2, 1.6-15

Factum est, cum leváre vellet Dóminus Elíam per túrbinem in cælum, ibant Elías et Eliséus de Gálgalis. Dixit autem ei Elías: «Sede hic, quia Dóminus misit me ad Iordánem». Qui ait: «Vivit Dóminus, et vivit ánima tua, quia non derelínquam te». Iérunt ígitur ambo páriter, et quinquagínta viri de fíliis prophetárum secúti sunt, qui et stetérunt e contra longe. Illi autem ambo stabant super Iordánem. Tulítque Elías pállium suum et invólvit illud et percússit aquas, quæ divisæ sunt in utrámque partem, et transiérunt ambo per siccum.

Cumque transissent, Elías dixit ad Eliséum: «Póstula, quod vis, ut fáciam tibi, ántequam tollar a te». Dixítque Eliséus: «Obsecro, ut fiant duæ partes spíritus tui in me». Qui respóndit: «Rem difícillem postulásti. Attamen si víderis me, quando tollor a te, erit tibi, quod pētísti; si autem non víderis, non erit». Cumque pérgerent et incedéntes sermocinaréntur, ecce currus ígneus et equi ígnei divisérunt utrúmque; et ascéndit Elías per túrbinem in cælum.

Eliséus autem vidébat et clamábat: «Pater mi, pater mi, currus Israel et auríga eius!». Et non vidit eum ámplius apprehendítque vestiménta sua et scidit illa in duas partes. Et levávit pállium Elíæ, quod cecíderat ei, reversúsque stetit super ripam Iordánis. Et pállio Elíæ, quod cecíderat ei, percússit aquas et dixit: «Ubi est Deus Elíæ étiam nunc?». Percussítque aquas, et divisæ sunt huc atque illuc, et transiit Eliséus.

Vidéntes autem filii prophetárum, qui erant in Iéricho de contra, dixerunt: «Requíevit spíritus Elíæ super Eliséum». Et veniéntes in occúrsum eius adoravérunt eum proni in terram.

Verbum Dómini.

PSALMUS RESPONSORIUS

Ps 16 (15), 1-2. 7-8. 11

℞. Dóminus pars hereditátis meæ.

Consérva me, Deus,
quóniam sperávi in te.
Dixi Dómino: «Dóminus meus es tu,
bonum mihi non est sine te». ℞.

Benedícam Dóminum, qui tríbuit mihi intelléctum;
ínsuper et in nóctibus erudiérunt me renes mei.
Proponébam Dóminum in conspéctu meo semper;
quóniam a dextris est mihi, non commovébor. ℞.

Notas mihi fácies vias vitæ,
plenitúdinem lætítiæ cum vultu tuo,
delectatiónes in délixtera tua
usque in finem. ℞.

ALLELUIA

Mt 6, 20a.21

℞. Allelúia, allelúia.

Thesaurizáte vobis thesáuros in cælo:
ubi est thesáurus tuus, ibi erit et cor tuum.

℞. Allelúia.

EVANGELIUM

Quærite regnum Dei et hæc omnia adicientur vobis.



Léctio sancti Evangélii secúndum Matthæum

6, 25-34

In illo témpore, dixit Iesus discipulis suis: «Ne sollíciti sitis ánimæ vestræ quid manducétis, neque córpori vestro quid induámini. Nonne ánima plus est quam esca, et corpus quam vestiméntum? Respícite volatília cæli, quóniam non serunt neque metunt neque cóngregant in hórrea, et Pater vester cæléstis pascit illa. Nonne vos magis pluris estis illis? Quis autem

vestrum cógitans potest adícere ad ætátem suam cúbitum unum? Et de vestiménto quid sollíciti estis? Consideráte lília agri quómo modo crescunt: non labórant neque nent. Dico autem vobis quóniam nec Sálomon in omni glória sua coopértus est sicut unum ex istis. Si autem fenum agri, quod hódie est et cras in clíbanum míttitur, Deus sic vestit, quanto magis vos, módicæ fidei?

Nolíte ergo sollíciti esse dicétes: “Quid manducábimus?”, aut: “Quid bibémus?”, aut: “Quo operiémur?”. Hæc enim ómnia gentes inquírunt; scit enim Pater vester cæléstis quia his ómnibus indigétis. Quærite autem primum regnum Dei et iustítiam eius, et hæc ómnia adiciéntur vobis. Nolíte ergo esse sollíciti in crástinum; crástinus enim dies sollícitus erit sibi ipse. Súfficit diéi malítia sua».

Verbum Dómini.

ORATIO UNIVERSALIS: cf pp. 145-146.

SUPER OBLATA

Quæ tibi dona detúlimus, Dómine, spiritálem nostri oblatiónem significent, ut quæ in corpus et ságuinem Christi Fílii mutántur nostram sanctificatióem operéntur. Per Christum Dóminum nostrum.

PRÆFATIO

«De signo vitæ Deo consecratæ»

- ℣.** Dóminus vobíscum.
℞. Et cum spírítu tuo.
℣. Sursum corda.
℞. Habémus ad Dóminum.
℣. Grátias agámus Dómino Deo nostro.
℞. Dignum et iustum est.

Vere dignum et iustum est, æquum et salutäre,
nos tibi semper et ubique grátias ágere:
Dómine, sancte Pater, omnipotens ætérne Deus.

In Sanctis enim, qui Christo se dedicavérunt
propter regnum cælórum,
tuam decet providéntiam celebráre mirábilem,
qua humánam substántiam
et ad primæ oríginiis révocas sanctitátem,
et ad experiénda dona,
quæ in novo sáculo sunt habénda, perdúcis.

Et ídeo, cum Sanctis et Angelis univérsis,
te collaudámus, sine fine dicétes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

ANT. AD COMMUNIONEM

Cf Io 15, 10

Dicit Dóminus: Si præcépta mea servavéritis,
manébitis in dilectióne mea,
sicut ego Patris mei præcépta servávi
et máneo in eius dilectióne.

POST COMMUNIONEM

Quos tua mensa Dómine, satiásti,
redde prudéntia vígiles et caritáte sollértes,
ut in párvulis ac paupéribus ministrándis
ineffábile largitátis tuæ prómere sacraméntum valeámus.
Per Christum Dóminum nostrum.

Die 13 novembris

**Beatorum ALOISII VERSIGLIA episcopi
et CALLISTI CARAVARIO presbyteri
Protomartyrum Salesianorum**

ANT. AD INTROITUM

Gaudeámus omnes in Dómino,
diem festum celebrántes beatorum Aloísii et Callísti mártýrum,
qui bonam confessiónem conféssi sunt coram multis téstibus,
propter Christum,
qui hodie in cælis coronat eos coróna glóriæ.

COLLECTA

Omnípotens et miséricors Deus,
qui beátos mártýres Aloísium episcopum et Callístum presbýterum
invíctos Evangéllii tui núntios
ac dignitátis humanæ strénuos defensóres constituísti,
concéde nobis, fidélibus tuis,
et eórum sectári virtútem et exéempla imitári,
ut testes fidei atque operósæ caritátis éffici mereámur.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

Lectiones sumuntur ex Lectionario feriali; pro pastoralis opportunitate autem etiam quæ sequuntur ad libitum proclamari possunt.

LECTIO PRIMA

Quasi holocausti hostiam Deus accepit illos.

Lectio libri Sapiéntiæ

3, 1-7a.8b-9

Iustorum ánimæ in manu Dei sunt,
et non tanget illos torméntum mortis.

Visi sunt óculis insipientium mori,
et æstimáta est afflictio éxitus illórum
et, quod a nobis est iter, exterminium;
illi autem sunt in pace.

Etenim, si coram homínibus torménta passi sunt,
spes illórum immortalitáte plena est;
et in paucis corrépti, in multis bene disponéntur,
quóniam Deus tentávit eos
et invénit illos dignos se.

Tamquam aurum in fornáce probávit illos
et quasi holocáusti hóstiám accépit illos,
et in témpore visitatiónis illórum fulgébunt
et regnabit Dóminus illórum in perpétuum.

Qui confidunt in illo, intéllegent veritátem,
et fidéles in dilectiône acquiescent illi,
quóniam grátia et misericórdia est sanctis eius
et visitatio eléctis eius.

Verbum Dómini.

PSALMUS RESPONSORIUS

Ps 16 (15), 1-2. 5.7a. 8-9a. 11

R. In te, Dómine, sperávi.

Consérva me, Deus, quóniam sperávi in te.

Dixi Dómino: «Dóminus meus es tu,
bonum mihi non est sine te». **R.**

Dóminus pars hereditátis meæ et cálicis mei:
tu es qui détines sortem meam.
Benedícam Dóminum, qui tríbuit mihi intelléctum. *Ry.*

Proponébam Dóminum in conspéctu meo semper;
quóniam a dextris est mihi, non commovébor.
Propter hoc lætátum est cor meum. *Ry.*

Notas mihi fácies vias vitæ,
plenitúdinem lætítiæ cum vultu tuo,
delectatiónes in délixtera tua usque in finem. *Ry.*

ALLELUIA

Io 12, 24

Ry. Allelúia, allelúia.

Nisi granum fruménti cadens in terram mórtuum fúerit,
ipsum solum manet;
si autem mórtuum fúerit, multum fructum affert.

Ry. Allelúia.

EVANGELIUM

Si granum frumenti mortuum fuerit, multum fructum affert.



Léctio sancti Evangélii secúndum Ioánnem

12, 24-26

In illo témpore, dixit Iesus discípu-
lis suis: «Amen, amen dico vobis: Nisi
granum fruménti cadens in terram mórtuum fúerit, ipsum solum manet;
si autem mórtuum fúerit, multum fructum affert.

Qui amat ánimam suam, perdit eam, et qui odit ánimam suam in hoc mun-
do, in vitam ætérrnam custódi-
et eam.

Si quis mihi minístrat, me sequá-
tur, et ubi sum ego, illic et miní-
ster meus erit; si quis mihi ministrá-
verit, honorificábit eum Pater».

Verbum Dómini.

ORATIO UNIVERSALIS: pp. 147-148.

SUPER OBLATA

Sacrificium láudis tibi Dómine offérimus,
 beatórum mártýrum Aloísii et Callísti corónam recoléntes,
 ut idem nos beátæ Fílii tui passiónis testes effíciat,
 qui beátos mártýres verbo dócuit et exémplo,
 Christus Dóminus noster.
 Qui tecum vivit et regnat in sæcula sæculórum.

PRÆFATIO

«De signo et exemplo martyrii»

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
 nos tibi semper et ubíque grátias ágere:
 Dómine, sancte Pater, omnípotens ætérne Deus.

Quóniam beatórum mártýrum Aloísii et Callísti
 pro confessióne nóminis tui,
 ad imitatióem Christi,
 sanguis effúsus tua mirabília maniféstat,
 quibus pérficis in fragilitáte virtútem,
 et vires infirmas ad testimónium róboras,
 per Christum Dóminum nostrum.

Et ídeo, cum cælórum Virtútibus,
 in terris te iúgiter celebrámus,
 maiestáti tuæ sine fine clamántes:

Sanctus, Sanctus, Sanctus Dóminus Deus Sábaoth.
 Pleni sunt cæli et terra glória tua.
 Hosánna in excélsis.
 Benedíctus qui venit in nómine Dómini.
 Hosánna in excélsis.

ANT. AD COMMUNIONEM

Cf Lc 22, 28-30

Vos estis
qui permansistis mecum in tentationibus meis,
et ego dispono vobis ut edatis et bibatis
super mensam meam in regno meo.

POST COMMUNIONEM

Præsta, quæsumus, Dómine Deus noster,
ut qui pane cælesti refecti sumus,
sanctorum mártirum Aloísii et Callísti exémplo,
qui sánguinem suum fuderunt pro frátribus,
Christi passióni sociémur.
Qui vivit et regnat in sæcula sæculórum.

Die 5 decembris

**Beati PHILIPPI RINALDI presbyteri
Fundatoris Instituti sæcularis
«Volontarie di Don Bosco»**

ANT. AD INTROITUM

Ier 3, 15

Dabo vobis pastóres iuxta cor meum,
et pascent vos sciéntia et doctrína.

Vel:

Ps 34 (33), 12.6a

Veníte, fílii, audíte me:
timórem Dómini docébo vos.
Respícite ad eum, et illuminámini.

COLLECTA

Deus bonórum fons ómnium,
qui in beáto Philípโป presbýtero
evangélicam vivéndi formam
lætánter pro frátribus impénsam
mirábíliter decorásti, præsta, quæsumus,
ut prudéntem eius apostólicam imitántes navitátem
cotídie labórem nostrum fidéliter exsequámur
et amoris tui propósitum vita nostra perficiámus.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sácula sæculórum.

Lectiones sumuntur ex Lectionario feriali; pro pastorali opportunitate autem etiam quæ sequuntur ad libitum proclamari possunt.

LECTIO PRIMA

Caritas vestra magis ac magis abundet in scientia et omni sensu; in diem Christi.

Lectio Epístulæ beati Pauli apóstoli ad Philippenses

1, 3-11

Fratres, grátias ago Deo meo in omni memória vestri semper in omni oratione mea pro ómnibus vobis cum gáudio deprecationem fáciens super comunione vestra in evangélio a prima die usque nunc, confidens hoc ipsum, quia, qui cœpit in vobis opus bonum, perfíciet usque in diem Christi Iesu; sicut est mihi iustum hoc sentire pro ómnibus vobis, eo quod hábeam in corde vos et in vínculis meis et in defensione et confirmatióne evangélii sócios grátia meæ omnes vos esse.

Testis enim mihi Deus, quómodo cúpiam omnes vos in viscéribus Christi Iesu. Et hoc oro, ut caritas vestra magis ac magis abundet in sciéntia et omni sensu, ut probétis potióra, ut sitis sincéri et sine offénsa in diem Christi, repléti fructu iustítiæ, qui est per Iesum Christum, in glóriam et laudem Dei.

Verbum Dómini.

PSALMUS RESPONSORIUS Ps 103 (102), 1-2. 3-4a.5a. 6-7. 8-9. 11-12. 13-14

R. Bénedic, ánima mea, Dómino.

Bénedic, ánima mea, Dómino,
et ómnia, quæ intra me sunt, nómini sancto eius.

Bénedic, ánima mea, Dómino,
et noli oblivisci omnes retributiónes eius. **R.**

Qui propitiátur ómnibus iniquitatibus tuis,
qui sanat omnes infirmitates tuas;
qui rédimit de intéritu vitam tuam,
qui replet in bonis ætátem tuam. **R.**

Fáciens iustítias Dóminus
et iudícium ómnibus iniúriam patiéntibus.

Notas fecit vias suas Móysi,
filiis Israel adinventiões suas. **R.**

Miserátor et miséricors Dóminus,
longánimis et multæ misericórdiæ.
Non in perpétuum conténdet,
neque in ætérnum irascétur. *R̄.*

Quóniam, quantum exaltátur cælum a terra,
præváluit misericórdia eius super timéntes eum;
quantum distat ortus ab occidénte,
longe fecit a nobis iniquitátes nostras. *R̄.*

Quómo modo miserétur pater filiórum,
misértus est Dóminus timéntibus se.
Quóniam ipse cognóvit figméntum nostrum,
recordátus est quóniam pulvis sumus. *R̄.*

ALLELUIA

Cf Io 15, 5

R̄. Allelúia, allelúia.

Ego sum vitis, vos pálmites, dicit Dóminus;
qui manet in me, hic fert fructum multum.

R̄. Allelúia.

EVANGELIUM

Manete in me et ego in vobis.



Léctio sancti Evangélii secúndum Ioánnem

15, 1-8

In illo témpore, dixit Iesus discíplis suis: «Ego sum vitis vera, et Pater meus agrícola est. Omnem pálmitem, in me non feréntem fructum, tollit eum, et omnem, qui fert fructum, purgat eum, ut fructum plus áfferat. Iam vos mundi estis propter sermónem, quem locútus sum vobis. Manéte in me, et ego in vobis. Sicut palmes non potest ferre fructum a semetípso, nisi mánsarit in vite, sic nec vos, nisi in me manséritis.

Ego sum vitis, vos pálmites. Qui manet in me, et ego in eo, hic fert fructum multum, quia sine me nihil potéstis fácere. Si quis in me non mánsarit, missus est foras sicut palmes et áruit, et cólligunt eos et in ignem mittunt, et ardent.

Si manseritis in me, et verba mea in vobis manserint, quodcúmque volueritis, pétite, et fiet vobis. In hoc clarificátus est Pater meus, ut fructum multum afferátis et efficiámini mei discípuli».

Verbum Dómini.

ORATIO UNIVERSALIS: cf p. 149.

SUPER OBLATA

Clementíssime Deus, qui, vétere hómine consúmpto, novum secúndum te in beáto Philíppo creáre dignátus es, concéde propítius, ut nos páriter renováti hanc placatiónis hóstiam tibi acceptábilem offerámus. Per Christum Dóminum nostrum.

PRÆFATIO

Extra Tempus Adventus, sumitur præfatio ac in memoria beati Michaelis Rua (cf p. 77).

«De duobus adventibus Christi»

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre, nos tibi semper et ubíque grátias ágere, Dómine, sancte Pater, omnípotens ætérne Deus: per Christum Dóminum nostrum.

Qui, primo advéntu in humilitáte carnis assúptæ,
 dispositiõnis antiqúæ munus implévit,
 nobisque salutis perpétuæ trámitem reserávit:
 ut, cum secúndo vénerit in suæ glória maiestátis,
 manifésto demum múnere capiámus,
 quod vigilántes nunc audémus expectáre promíssum.

Et ídeo cum Angelis et Archángelis,
 cum Thronis et Dominatiõnibus,
 cumque omni militiá cæléstis exércitus,
 hymnum glóriæ tuæ cánimus,
 sine fine dicéntes:

Sanctus, Sanctus, Sanctus Dóminus Deus Sábaoth.
 Pleni sunt cæli et terra glória tua.
 Hosánna in excélsis.
 Benedíctus qui venit in nómine Dómini.
 Hosánna in excélsis.

ANT. AD COMMUNIONEM

Io 15, 9. 11

Si præcépta mea servavéritis, manébitis in dilectiõne mea,
 ut gáudium vestrum impleátur — dicit Dóminus —.

POST COMMUNIONEM

Quásumus, omnipotens Deus,
 ut, qui huius sacraméti munímur virtúte,
 exémplo beáti Philíppi
 discámus te super ómnia semper inquirere,
 et novi hóminis formam in hoc sæculo portáre.
 Per Christum Dóminum nostrum.

ORDO MISSÆ



RITUS INITIALES

Populo congregato, sacerdos cum ministris ad altare accedit, dum cantus ad introitum peragitur. Cum ad altare pervenerit, facta cum ministris debita reverentia, osculo altare veneratur et, pro opportunitate, illud incensat. Postea cum ministris sedem petit.

Cantu ad introitum absoluto, sacerdos et fideles, stantes, signant se, dum sacerdos, ad populum conversus, dicit:

In nómine Patris, et Fílii, et Spíritus Sancti.

Populus respondet:

Amen.

Deinde sacerdos, manus extendens, populum salutat, dicens:

Grátia Dómini nostri Iesu Christi, et cáritas Dei, et comunicátio Sancti Spíritus sit cum ómnibus vobis.

Vel:

Grátia vobis et pax a Deo Patre nostro et Dómino Iesu Christo.

Vel:

Dóminus vobíscum.

Populus respondet:

Et cum spíritu tuo.

Episcopus, loco **Dóminus vobíscum**, in hac prima salutatione dicit: **Pax vobis.**

Sacerdos, vel diaconus vel alius minister idoneus, potest brevissimis verbis introducere fideles in Missam illius diei. Deinde sequitur actus pænitentialis. Sacerdos fideles invitat ad pænitentiam:

Fratres, agnoscámus peccáta nostra, ut apti simus ad sacra mystéria celebránda.

Fit brevis pausa silentii. Postea omnes simul faciunt confessionem:

Confíteor Deo omnipoténti et vobis, fratres,
quia peccávi nimis
cogitatióne, verbo, ópere et omissióne:

et, percutientes sibi pectus, dicunt:

mea culpa, mea culpa, mea máxima culpa.

Deinde prosequuntur:

Ideo precor beátam Mariám semper Vírginem,
omnes Angelos et Sanctos,
et vos, fratres, oráre pro me
ad Dóminum Deum nostrum.

Sequitur absolutio sacerdotis:

Misereátur nostri omnípotens Deus
et, dimíssis peccátis nostris,
perdúcat nos ad vitam ætérnam.

Populus respondet:

Amen.

Aliæ formulæ actus pænientialis:

A

Sacerdos fideles invitát ad pænitentiam:

Fratres, agnoscámus peccáta nostra,
ut apti simus ad sacra mystéria celebránda.

Fit brevis pausa silentii. Postea sacerdos dicit:

Miserére nostri, Dómine.

Populus respondet:

Quia peccávimus tibi.

Sacerdos:

Osténde nobis, Dómine, misericórdiam tuam.

Populus:

Et salutáre tuum da nobis.

Sequitur absolutio sacerdotis:

Misereátur nostri omnipotens Deus
et, dimíssis peccátis nostris,
perducat nos ad vitam ætérnam.

Populus respondet:

Amen.

B

Sacerdos fideles invitat ad pænitentiam:

Fratres, agnoscámus peccáta nostra,
ut apti simus ad sacra mystéria celebránda.

Fit brevis pausa silentii. Deinde sacerdos, vel alius minister idoneus, sequentes, vel alias, invocationes cum Kýrie, eléison profert:

Qui missus es sanáre contrítos corde: Kýrie, eléison.

Populus respondet:

Kýrie, eléison.

Sacerdos:

Qui peccatóres vocáre venísti: Christe, eléison.

Populus:

Christe, eléison.

Sacerdos:

Qui ad dexteram Patris sedes,
ad interpellándum pro nobis: Kýrie, eléison.

Populus:

Kýrie, eléison.

Sequitur absolutio sacerdotis:

Misereatur nostri omnipotens Deus
et, dimissis peccatis nostris,
perducatur nos ad vitam æternam.

Populus respondet:

Amen.

Sequuntur invocationes **Kýrie, eléison**, nisi iam præcesserint in aliqua formula actus
pænitentialis.

ψ. Kýrie, eléison.

℞. Kýrie, eléison.

ψ. Christe, eléison.

℞. Christe, eléison.

ψ. Kýrie, eléison.

℞. Kýrie, eléison.

Deinde, quando præscribitur, cantatur vel dicitur hymnus:

Glória in excélsis Deo
et in terra pax homínibus bonæ voluntátis.
Laudámus te, benedícimus te,
adorámus te, glorificámus te,
grátias ágimus tibi propter magnam glóriam tuam,
Dómine Deus, Rex cæléstis,
Deus Pater omnipotens.
Dómine Fili unigénite, Iesu Christe,
Dómine Deus, Agnus Dei, Fílius Patris,
qui tollis peccáta mundi, miserére nobis;
qui tollis peccáta mundi, súscipe deprecatióem nostram.
Qui sedes ad dexteram Patris, miserére nobis.
Quóniam tu solus Sanctus, tu solus Dóminus, tu solus Altíssimus,
Iesu Christe, cum Sancto Spíritu: in glória Dei Patris.
Amen.

Quo hymno finito, sacerdos, manibus iunctis, dicit:

Orémus.

Et omnes una cum sacerdote per aliquod temporis spatium in silentio orant. Tunc sacerdos, manibus extensis, dicit orationem; qua finita, populus acclamat:

Amen.

LITURGIA VERBI

Deinde lector ad ambonem pergit, et legit primam lectionem, quam omnes sedentes auscultant. Ad finem lectionis significandam, lector subdit:

Verbum Dómini.

Omnes acclamant:

Deo grátias.

Psalmista, seu cantor, psalmum dicit, populo responsum proferente.

Postea, si habenda sit secunda lectio, lector eam in ambone legit, ut supra. Ad finem lectionis significandam, lector subdit:

Verbum Dómini.

Omnes acclamant:

Deo grátias.

Sequitur **Allelúia**, vel alter cantus. Interim sacerdos incensum, si adhibetur, imponit. Postea diaconus, Evangelium prolaturus, ante sacerdotem inclinatus, benedictionem petit, submissa voce dicens:

Iube, domne, benedícere.

Sacerdos submissa voce dicit:

Dóminus sit in corde tuo et in lábiis tuis:
ut digne et competénter annúnties Evangélium suum:
in nómine Patris, et Fílii, ✠ et Spíritus Sancti.

Diaconus respondet:

Amen.

Si vero non adest diaconus, sacerdos ante altare inclinatus secreto dicit:

Munda cor meum ac lábia mea, omnípotens Deus,
ut sanctum Evangélium tuum digne váleam nuntiáre.

Postea diaconus, vel sacerdos, ad ambonem pergit, ministris pro opportunitate cum incenso et cereis eum comitantibus, et dicit:

Dóminus vobíscum.

Populus respondet:

Et cum spírítu tuo.

Diaconus, vel sacerdos:

Léctio sancti Evangéllii secúndum **N**.

Et interim signat librum et seipsum in fronte, ore et pectore. Populus acclamat:

Glória tibi, Dómine.

Deinde diaconus, vel sacerdos, librum, si incensum adhibetur, thurificat, et Evangelium proclamat. Finito Evangelio, diaconus, vel sacerdos dicit:

Verbum Dómini.

Omnibus acclamantibus:

Laus tibi, Christe.

Deinde librum osculatur dicens secreto:

Per evangélica dicta deleántur nostra delícta.

Deinde fit homilia, quæ habenda est omnibus diebus dominicis et festis de præcepto; aliis diebus commendatur. Homilia expleta, fit, quando præscribitur, professio fidei:

Credo in unum Deum,
Patrem omnipoténtem, factórem cæli et terræ,
visibílium ómnium et invisibílium.
Et in unum Dóminum Iesum Christum,
Fílium Dei unigénitum,
et ex Patre natum ante ómnia sácula.
Deum de Deo, lumen de lúmíne, Deum verum de Deo vero,
génitum, non factum, consubstantiálem Patri:
per quem ómnia facta sunt.
Qui propter nos hómínes et propter nostram salútem
descéndit de cælis.

Ad verba quæ sequuntur, usque ad **factus est**, omnes se inclinant.

Et incarnátus est de Spírítu Sancto
ex María Vírgine, et homo factus est.
Crucifixus étiam pro nobis sub Póntio Piláto;
passus et sepúltus est,
et resurréxit tértia die, secúndum Scriptúras,
et ascéndit in cælum, sedet ad dexteram Patris.
Et íterum ventúrus est cum glória, iudicáre vivos et mórtuos,
cuius regni non erit finis.
Et in Spírítum Sanctum, Dóminum et vivificántem:
qui ex Patre Filióque procedit.
Qui cum Patre et Fílio simul adorátur et conglorificátur:
qui locútus est per prophétas.
Et unam, sanctam, cathólicam et apostólicam Ecclésiám.
Confíteor unum baptísma in remissionem peccatórum.
Et exspécto resurrectionem mortuórum,
et vitam ventúri sáeculi. Amen.

Deinde fit oratio universalis, seu oratio fidelium.

LITURGIA EUCHARISTICA

His absolutis, incipit cantus ad offertorium. Interim ministri corporale, purificatorium, calicem et missale in altari collocant.

Expedit ut fideles participationem suam oblatione manifestent, afferendo sive panem et vinum ad Eucharistiæ celebrationem, sive alia dona, quibus necessitatibus Ecclesiæ et pauperum subveniatur.

Sacerdos, stans ad altare, accipit patenam cum pane, eamque aliquantulum elevatam super altare tenet, secreto dicens:

Benedictus es, Dómine, Deus univérsi,
quia de tua largitáte accépimus panem,
quem tibi offérimus,
fructum terræ et óperis mánuum hóminum:
ex quo nobis fiet panis vitæ.

Deinde deponit patenam cum pane super corporale. Si vero cantus ad offertorium non peragitur, sacerdoti licet hæc verba elata voce proferre; in fine populus acclamare potest:

Benedictus Deus in sæcula.

Diaconus, vel sacerdos, infundit vinum et parum aquæ in calicem, dicens secreto:

Per huius aquæ et vini mystérium
eius efficiámur divinitátis consórtes,
qui humanitátis nostræ fieri dignátus est párticeps.

Postea sacerdos accipit calicem, eumque aliquantulum elevatum super altare tenet, secreto dicens:

Benedíctus es, Dómine, Deus univérsi,
quia de tua largitáte accévimus vinum,
quod tibi offérimus,
fructum vitis et óperis mánuum hóminum,
ex quo nobis fiet potus spiritális.

Deinde calicem super corporale deponit. Si vero cantus ad offertorium non peragitur, sacerdoti licet hæc verba elata voce proferre; in fine populus acclamare potest:

Benedíctus Deus in sæcula.

Postea sacerdos, inclinatus, dicit secreto:

In spírítu humilitátis et in ánimo contríto
suscipiámur a te, Dómine;
et sic fiat sacrificium nostrum in conspéctu tuo hódie,
ut pláceat tibi, Dómine Deus.

Et, pro opportunitate, incensat oblata et altare. Postea vero diaconus vel minister incensat sacerdotem et populum. Deinde sacerdos, stans ad latus altaris, lavat manus, dicens secreto:

Lava me, Dómine, ab iniquitáte mea,
et a peccáto meo munda me.

Stans postea in medio altaris, versus ad populum, extendens et iungens manus, dicit:

Oráte, fratres:
ut meum ac vestrum sacrificium
acceptábile fiat apud Deum Patrem omnipoténtem.

Populus respondet:

Suscípiat Dóminus sacrificium de mánibus tuis
ad laudem et glóriam nóminis sui,
ad utilitátem quoque nostram
totiúsque Ecclésiæ suæ sanctæ.

Deinde, manibus extensis, sacerdos dicit orationem super oblata; qua finita, populus acclamat:

Amen.

Tunc sacerdos incipit Precem eucharisticam. Manus extendens, dicit:

Dóminus vobíscum.

Populus respondet:

Et cum spírítu tuo.

Sacerdos, manus elevans, prosequitur:

Sursum corda.

Populus:

Habémus ad Dóminum.

Sacerdos, manibus extensis, subdit:

Grátias agámus Dómino Deo nostro.

Populus:

Dignum et iustum est.

Sacerdos prosequitur præfationem manibus extensis. In fine autem præfationis iungit manus et, una cum populo, ipsam præfationem concludit, cantans vel clara voce dicens:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

In omnibus Missis licet sacerdoti celebranti illas partes Precis eucharisticæ cantare, quæ in Missis concelebratis cantari possunt.

In Prece eucharistica prima, seu Canone Romano, ea quæ inter parentheses includuntur omitti possunt.

PREX EUCHARISTICA I

SEU CANON ROMANUS

Sacerdos, manibus extensis, dicit:

Te ígitur, clementíssime Pater,
per Iesum Christum, Filium tuum, Dóminum nostrum,
súpplices rogámus ac pétimus,

iungit manus et dicit:

uti accépta hábeas

signat semel super panem et calicem simul, dicens:

et benedícas ✠ hęc dona, hęc múnera,
hęc sancta sacrificia illibáta,

extensis manibus prosequitur:

in primis, quæ tibi offérimus
pro Ecclésia tua sancta cathólica:
quam pacificáre, custodíre, adunáre
et régere dignéris toto orbe terrárum:
una cum fámulo tuo Papa nostro **N.** et Antístite nostro **N.**
et ómnibus orthodoxis atque cathólicæ
et apostólicæ fidei cultóribus.

Meménto, Dómine, famulórum famularúmque tuárum **N.** et **N.**

Iungit manus et orat aliquantulum pro quibus orare intendit. Deinde, manibus extensis,
prosequitur:

et ómnium circumstántium,
quorum tibi fides cógnita est et nota devótio,
pro quibus tibi offérimus:
vel qui tibi ófferunt hoc sacrificium laudis,
pro se súisque ómnibus:
pro redemptióne animárum suárum,
pro spe salútis et incolumitátis suæ:
tíbique reddunt vota sua ætérno Deo, vivo et vero.

Communicántes,
 et memóriam venerántes,
 in primis gloriósæ semper Vírginis Mariæ,
 Genetrícis Dei et Dómini nostri Iesu Christi:
 sed et beáti Ioseph, eiúsdem Vírginis Sponsi,
 et beatórum Apostolórum ac Mártyrum tuórum,
 Petri et Pauli, Andréæ,
 [Iacóbi, Ioánnis,
 Thomæ, Iacóbi, Philíppi,
 Bartholomæi, Matthæi,
 Simónis et Thaddæi:
 Lini, Cleti, Cleméntis, Xysti,
 Cornélii, Cypriáni,
 Lauréntii, Chrysógoni,
 Ioánnis et Pauli,
 Cosmæ et Damiáni]
 et ómnium Sanctórum tuórum;
 quorum méritis precibúsq; concédas,
 ut in ómnibus protectiónis tuæ muniámur auxílio.

Hanc ígitur oblatiónem servitútis nostræ,
 sed et cunctæ famíliæ tuæ,
 quæsumus, Dómine, ut placátus accípias:
 diésque nostros in tua pace dispónas,
 atque ab æténa damnatióne nos éripi
 et in electórum tuórum iúbeas grege numerári.

Tenens manus expansas super oblata, dicit:

Quam oblatiónem tu, Deus, in ómnibus, quæsumus,
 benedíctam, adscríptam, ratam,
 rationábilem, acceptabilémque fácere dignéris:
 ut nobis Corpus et Sanguis fiat dilectíssimi Fílii tui,
 Dómini nostri Iesu Christi.

lungit manus.

In formulis quæ sequuntur, verba Domini proferantur distincte et aperte, prouti natura eorundem verborum requirit.

Qui, pridie quam pateretur,

accipit panem, eumque parum elevatum super altare tenens, prosequitur:

accépit panem in sanctas ac venerábiles manus suas,

elevat oculos:

et elevátis óculis in cælum
ad te Deum Patrem suum omnipoténtem,
tibi grátias agens benedíxit,
fregit, deditque discíplis suis, dicens:

parum se inclinat:

Accípите et manducáte ex hoc omnes:
hoc est enim Corpus meum,
quod pro vobis tradétur.

Hostiam consecratam ostendit populo, deponit super patenam, et genuflexus adoratur. Postea prosequitur:

Símili modo, postquam cenátum est,

accipit calicem, eumque parum elevatum super altare tenens, prosequitur:

accípiens et hunc præclárum cálicem
in sanctas ac venerábiles manus suas,
item tibi grátias agens benedíxit,
deditque discíplis suis, dicens:

parum se inclinat:

Accípите et bíbite ex eo omnes:
hic est enim calix Sánguinis mei
novi et ætérni testaménti,
qui pro vobis et pro multis effundétur
in remissionem peccatórum.

Hoc fácite in meam commemoratiónem.

Calicem ostendit populo, deponit super corporale, et genuflexus adoratur. Deinde dicit:

Mystérium fidei.

Et populus prosequitur, acclamans:

Mortem tuam annuntiámus, Dómine,
et tuam resurrectionem confitémur, donec vénias.

Vel:

Quotiescúmque manducámus panem hunc
et cálicem bíbimus,
mortem tuam annuntiámus, Dómine, donec vénias.

Vel:

Salvátor mundi, salva nos,
qui per crucem et resurrectionem tuam liberásti nos.

Postea, extensis manibus, sacerdos dicit:

Unde et mémoires, Dómine,
nos servi tui,
sed et plebs tua sancta,
eiusdem Christi, Fílii tui, Dómini nostri,
tam beátæ passiónis,
necnon et ab íferis resurrectionis,
sed et in cælos gloriósæ ascensionis:
offérimus præcláræ maiestáti tuæ
de tuis donis ac datis
hóstiam puram, hóstiam sanctam, hóstiam immaculátam,
Panem sanctum vitæ æternæ
et Cálicem salutis perpétuæ.

Supra quæ propítio ac seréno vultu
respícere dignéris:
et accépta habére,
sicuti accépta habére dignátus es
múnera púeri tui iusti Abel,
et sacrificium Patriárchæ nostri Abrahæ,
et quod tibi obtulit summus sacérdos tuus Melchisedech,
sanctum sacrificium, immaculátam hóstiam.

Inclinatus, iunctis manibus, prosequitur:

Súplices te rogámus, omnipotens Deus:
iube hæc perférrí per manus sancti Angeli tui

in sublíme altáre tuum,
 in conspéctu divínæ maiestátis tuæ;
 ut, quotquot ex hac altáris participatióne
 sacrosánctum Fílii tui Corpus et Sánguinem sumpsérimus,

erigit se atque seipsum signat, dicens:

omni benedictióne cælésti et grátia repleámur.

Manibus extensis, dicit:

Meménto étiam, Dómine,
 famulórum famularúmque tuárum **N.** et **N.**,
 qui nos præcessérunt cum signo fídei,
 et dórmiunt in somno pacis.

Iungit manus et orat aliquantulum pro iis defunctis, pro quibus orare intendit. Deinde, extensis manibus, prosequitur:

Ipsis, Dómine, et ómnibus in Christo quiescéntibus,
 locum refrigerií, lucis et pacis,
 ut indúlgeas, deprecámur.

Iungit manus. Manu dextera percutit sibi pectus, dicens:

Nobis quoque peccatóribus fámulis tuis,

et extensis manibus prosequitur:

de multitudíne miseratiónum tuárum sperántibus,
 partem áliquam et societátem donáre dignéris
 cum tuis sanctis Apóstolis et Martýribus:
 cum Ioánnē, Stéphano, Matthía, Bárnaba,
 [Ignátio, Alexándro, Marcellíno, Petro,
 Felicitáte, Perpétua, Agatha, Lúcia,
 Agnéte, Cæcília, Anastásia]
 et ómnibus Sanctis tuis:
 intra quorum nos consórtium,
 non æstimátor mériti, sed véniaæ,
 quæsumus, largítor admítte.

Iungit manus.

Per Christum Dóminum nostrum.

Et prosequitur:

Per quem hæc ómnia, Dómine,
semper bona creas, sanctíficas, vivíficas, benedícis,
et præstas nobis.

Accipit patenam cum hostia et calicem, et utrumque elevans, dicit:

Per ipsum, et cum ipso, et in ipso,
est tibi Deo Patri omnipoténti,
in unitáte Spíritus Sancti,
omnis honor et glória
per ómnia sæcula sæculórum.

Populus acclamat:

Amen.

PREX EUCHARISTICA II

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
 nos tibi, sancte Pater, semper et ubíque grátias ágere,
 per Fílium dilectiónis tuæ Iesum Christum,
 Verbum tuum per quod cuncta fecísti:
 quem misísti nobis Salvatórem et Redemptórem,
 incarnátum de Spírítu Sancto et ex Vírgine natum.
 Qui voluntátem tuam adímplens
 et pópulum tibi sanctum acquírens
 exténdit manus cum paterétur,
 ut mortem sólveret et resurrectionem manifestáret.
 Et ídeo cum Angelis et ómnibus Sanctis
 glóriam tuam prædicámus, una voce dicéntes:

Sanctus, Sanctus, Sanctus Dóminus Deus Sábaoth.
 Pleni sunt cæli et terra glória tua.
 Hosánna in excélsis.
 Benedíctus qui venit in nómine Dómini.
 Hosánna in excélsis.

Sacerdos, manibus extensis, dicit:

Vere Sanctus es, Dómine,
 fons omnis sanctitátis.

Lungit manus, easque expansas super oblata tenens, dicit:

Hæc ergo dona, quæsumus,
Spíritus tui rore sanctífica,

lungit manus et signat semel super panem et calicem simul, dicens:

**ut nobis Corpus et ✠ Sanguis fiant
Dómini nostri Iesu Christi.**

Lungit manus.

In formulis quæ sequuntur, verba Domini proferantur distincte et aperte, prouti natura eorundem verborum requirit.

Qui cum Passióni voluntárie traderétur,

accipit panem, eumque parum elevatum super altare tenens, prosequitur:

**accépit panem et grátias agens fregit,
dedítque discípuis suis, dicens:**

parum se inclinat:

Accípите et manducáte ex hoc omnes:
hoc est enim Corpus meum,
quod pro vobis tradétur.

Hostiam consecratam ostendit populo, deponit super patenam, et genuflexus adorat.
Postea prosequitur:

Símili modo, postquam cenátum est,

accipit calicem, eumque parum elevatum super altare tenens, prosequitur:

**accípiens et cálicem,
íterum grátias agens dedit discípuis suis, dicens:**

parum se inclinat:

Accípите et bíbite ex eo omnes:
hic est enim calix Sánguinis mei
novi et ætérni testaménti,
qui pro vobis et pro multis effundétur
in remissiónem peccatórum.

Hoc fácite in meam commemoratiónem.

Calicem ostendit populo, deponit super corporale, et genuflexus adorat. Deinde dicit:

Mystérium fidei.

Et populus prosequitur, acclamans:

Mortem tuam annuntiámus, Dómine,
et tuam resurrectionem confitémur, donec vénias.

Vel:

Quotiescúmque manducámus panem hunc
et cálicem bíbimus,
mortem tuam annuntiámus, Dómine, donec vénias.

Vel:

Salvátor mundi, salva nos,
qui per crucem et resurrectionem tuam liberásti nos.

Deinde sacerdos, extensis manibus, dicit:

Mémoires ígitur mortis et resurrectionis eius,
tibi, Dómine, panem vitæ
et cálicem salutis offérimus,
grátias ágentes quia nos dignos habuísti
astáre coram te et tibi ministráre.

Et súplices deprecámur
ut Córporis et Ságuinis Christi partícipes
a Spíritu Sancto congregémur in unum.

Recordáre, Dómine,
Ecclésiæ tuæ toto orbe diffúsæ,
ut eam in caritaté perfícias
una cum Papa nostro **N.** et Epíscopo nostro **N.**
et univérso clero.

Meménto étiam fratrum nostrórum,
qui in spe resurrectionis dormiérunt,
omniúmque in tua miseratióne defunctórum,
et eos in lumen vultus tui admítte.

Omnium nostrum, quæsumus, miserere,
ut cum beáta Dei Genetríce Vírgine María,
beátis Apóstolis et ómnibus Sanctis,
qui tibi a sæculo placuérunt,
ætérnæ vitæ mereámur esse consórtes,
et te laudémus et glorificémus

iungit manus:

per Fílium tuum Iesum Christum.

Accipit patenam cum hostia et calicem, et utrumque elevans, dicit:

Per ipsum, et cum ipso, et in ipso,
est tibi Deo Patri omnipoténti,
in unitáte Spíritus Sancti,
omnis honor et glória
per ómnia sæcula sæculórum.

Populus acclamat:

Amen.

PREX EUCHARISTICA III

Sacerdos, manibus extensis, dicit:

Vere Sanctus es, Dómine,
et mérito te laudat omnis a te cóndita creatúra,
quia per Fílium tuum,
Dóminum nostrum Iesum Christum,
Spíritus Sancti operánte virtúte,
vivíficas et sanctíficas univérsa,
et pópulum tibi congregáre non désinis,
ut a solis ortu usque ad occásum
oblátio munda offerátur nómini tuo.

Iungit manus, easque expansas super oblata tenens, dicit:

Súpplīces ergo te, Dómine, deprecámur,
ut hæc múnēra, quæ tibi sacránda detúlimus,
eódem Spíritu sanctificáre dignéris,

iungit manus et signat semel super panem et calicem simul, dicens:

ut Corpus et ✠ Sanguis fiant
Fílii tui Dómini nostri Iesu Christi,

iungit manus:

cuius mandáto hæc mystéria celebrámus.

In formulis quæ sequuntur, verba Domini proferantur distincte et aperte, prouti natura eorundem verborum requirit.

Ipse enim in qua nocte tradebátur

accipit panem, eumque parum elevatum super altare tenens, prosequitur:

accépit panem
et tibi grátias agens benedíxit,
fregit, deditque discíplis suis, dicens:

parum se inclinát:

Accípíte et manducáte ex hoc omnes:
hoc est enim Corpus meum,
quod pro vobis tradétur.

Hostiam consecratam ostendit populo, deponit super patenam, et genuflexus adorat.

Postea prosequitur:

Símili modo, postquam cenátum est,

accipit calicem, eumque parum elevatum super altare tenens, prosequitur:

accípiens cálicem,
et tibi grátias agens benedíxit,
deditque discíplis suis, dicens:

parum se inclinát:

Accípíte et bíbite ex eo omnes:
hic est enim calix Sánguini mei
novi et ætérni testaménti,
qui pro vobis et pro multis effundétur
in remissionem peccatórum.

Hoc fácite in meam commemoratiónem.

Calicem ostendit populo, deponit super corporale, et genuflexus adorat. Deinde dicit:

Mystérium fidei.

Et populus prosequitur, acclamans:

Mortem tuam annuntiámus, Dómine,
et tuam resurrectionem confitémur, donec vénias.

Vel:

Quotiescúmque manducámus panem hunc
et cálicem bibimus,
mortem tuam annuntiámus, Dómine, donec vénias.

Vel:

Salvátor mundi, salva nos,
qui per crucem et resurrectionem tuam liberásti nos.

Deinde sacerdos, extensis manibus, dicit:

Mémores ígitur, Dómine,
eiusdem Filii tui salutíferæ passiónis
necnon mirábilis resurrectionis
et ascensionis in cælum,
sed et præstolántes álterum eius advéntum,
offérimus tibi, grátias referéntes,
hoc sacrificium vivum et sanctum.

Réspice, quæsumus,
in oblationem Ecclesiæ tuæ
et, agnóscens Hóstiam,
cuius voluisti immolatione placári,
concéde, ut qui Córpo et Sáanguine Filii tui reficimur,
Spíritu eius Sancto repléti,
unum corpus et unus spíritus inveniámur in Christo.

Ipse nos tibi perficiat munus ætérnum,
ut cum eléctis tuis hereditátem cónsequi valeámus,
in primis cum beatíssima Vírgine, Dei Genetríce, María,
cum beátis Apóstolis tuis et gloriósis Martýribus
[cum Sancto **N.:** Sancto diei vel patrono]
et ómnibus Sanctis,
quorum intercessióne
perpétuo apud te confídimus adiuvári.

Hæc Hóstia nostræ reconciliatiónis proficiat,
quæsumus, Dómine,
ad totíus mundi pacem atque salútem.

Ecclésiám tuam, peregrinántem in terra,
in fide et caritáte firmáre dignéris
cum fámulo tuo Papa nostro **N.** et Epíscopo nostro **N.**,
cum episcopáli ordine et univérso clero
et omni pópulo acquisitionis tuæ.

Votis huius familiæ, quam tibi astáre voluísti,
adésto propítius.

Omnes filios tuos ubíque dispérsos
tibi, clemens Pater, miserátus coniúnge.

Fratres nostros defúntos
et omnes qui, tibi placéntes, ex hoc sǎculo transiérunt,
in regnum tuum benígnus admítte,
ubi fore sperámus,
ut simul glória tua perénniter satiémur,

iungit manus:

per Christum Dóminum nostrum,
per quem mundo bona cuncta largíris.

Accipit patenam cum hostia et calicem, et utrumque elevans, dicit:

Per ipsum, et cum ipso, et in ipso,
est tibi Deo Patri omnipoténti,
in unitáte Spíritus Sancti,
omnis honor et glória
per ómnia sǎcula sǎculórum.

Populus acclamat:

Amen.

PREX EUCHARISTICA IV

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum est tibi grátias ágere,
 vere iustum est te glorificáre, Pater sancte,
 quia unus es Deus vivus et verus,
 qui es ante sácula et pérmanes in ætérnum,
 inaccessíblem lucem inhábitans;
 sed et qui unus bonus atque fons vitæ cuncta fecísti,
 ut creatúras tuas benedictiónibus adimpléres
 multásque lætificáres tui lúminis claritáte.
 Et ídeo coram te innúmeræ astant turbæ angelórum,
 qui die ac nocte sérvíunt tibi
 et, vultus tui glóriam contemplántes,
 te incessánter glorífícant.

Cum quibus et nos et, per nostram vocem,
 omnis quæ sub cælo est creatúra
 nomen tuum in exsultatióne confitémur, canéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

Sacerdos, manibus extensis, dicit:

Confitémur tibi, Pater sancte,
quia magnus es et ómnia ópera tua
in sapiéntia et caritáte fecísti.
Hóminem ad tuam imáginem condidísti,
eíque commisísti mundi curam univérsi,
ut, tibi soli Creatóri sérvians,
creatúris ómnibus imperáret.
Et cum amicítiam tuam, non obcédiens, amisísset,
non eum dereliquísti in mortis império.
Omnibus enim misericórditer subvenísti,
ut te quæréntes invenírent.
Sed et fœdera plúries homínibus obtulísti
eósque per prophétas erudísti in exspectatióne salútis.

Et sic, Pater sancte, mundum dilexísti,
ut, compléta plenitúdine témporum,
Unigénitum tuum nobis mitteres Salvatórem.
Qui, incarnátus de Spíritu Sancto
et natus ex María Vírgine,
in nostra condiciónis forma est conversátus
per ómnia absque peccáto;
salútem evangelizávit paupéribus,
redemptiónem captívis,
mæstis corde lætítiam.
Ut tuam vero dispensatiónem impléret,
in mortem trádidit semetípsum
ac, resúrgens a mórtuis,
mortem destrúxit vitámque renovávit.

Et, ut non ámplius nobismetípsis viverémus,
sed sibi qui pro nobis mórtuus est atque surréxit,
a te, Pater, misit Spíritum Sanctum
primítias credéntibus,
qui, opus suum in mundo perfíciens,
omnem sanctificatiónem compléret.

Lungit manus, easque expansas super oblata tenens, dicit:

Quæsumus ígítur, Dómine,
ut ídem Spíritus Sanctus
hæc múnera sanctificáre dignétur,

iungit manus et signat semel super panem et calicem simul, dicens:

ut Corpus et ✠ Sanguis fiant
Dómini nostri Iesu Christi

iungit manus

ad hoc magnum mystérium celebrándum,
quod ipse nobis relíquit in fœdus ætérnum.

In formulis quæ sequuntur, verba Domini proferantur distincte et aperte, prouti natura eorundem verborum requirit.

Ipse enim, cum hora venisset
ut glorificarétur a te, Pater sancte,
ac dilexisset suos qui erant in mundo,
in finem diléxit eos:
et cenántibus illis

accipit panem, eumque parum elevatum super altare tenens, prosequitur:

accépit panem, benedíxit ac fregit,
dedítque discípuis suis, dicens:

parum se inclinat:

Accípíte et manducáte ex hoc omnes:
hoc est enim Corpus meum,
quod pro vobis tradétur.

Hostiam consecratam ostendit populo, deponit super patenam, et genuflexus adorat.
Postea prosequitur:

Símili modo

accipit calicem, eumque parum elevatum super altare tenens, prosequitur:

accípiens cálicem, ex genímíne vitis replétum,
grátias egit, dedítque discípuis suis, dicens:

parum se inclinat:

Accípite et bíbite ex eo omnes:
hic est enim calix Sáanguinis mei
novi et ætérni testaménti,
qui pro vobis et pro multis effundétur
in remissionem peccatórum.

Hoc fácite in meam commemoratiónem.

Calicem ostendit populo, deponit super corporale, et genuflexus adorat. Deinde dicit:

Mystérium fidei.

Et populus prosequitur, acclamans:

Mortem tuam annuntiámus, Dómine,
et tuam resurrectionem confitémur, donec vénias.

Vel:

Quotiescúmque manducámus panem hunc
et cálicem bíbimus,
mortem tuam annuntiámus, Dómine, donec vénias.

Vel:

Salvátor mundi, salva nos,
qui per crucem et resurrectionem tuam liberásti nos.

Deinde sacerdos, extensis manibus, dicit:

Unde et nos, Dómine,
redemptionis nostræ memoriále nunc celebrántes,
mortem Christi
eiusque descensum ad íferos recólimus,
eius resurrectionem
et ascensionem ad tuam dexteram profitémur,
et, exspectántes ipsíus advéntum in glória,
offérimus tibi eius Corpus et Sáanguinem,
sacrificium tibi acceptábile et toti mundo salutáre.

Réspice, Dómine, in Hóstiam,
quam Ecclésiæ tuæ ipse parásti,
et concéde benígnus ómnibus

qui ex hoc uno pane participábunt et cálice,
 ut, in unum corpus a Sancto Spíritu congregáti,
 in Christo hóstia viva perficiántur,
 ad laudem glóriæ tuæ.

Nunc ergo, Dómine, ómnium recordáre,
 pro quibus tibi hanc oblatiónem offérimus:
 in primis fámuli tui, Papæ nostri **N.**,
 Epíscopi nostri **N.**, et Episcopórum órdis univérsi,
 sed et totíus cleri, et offeréntium,
 et circumstántium,
 et cuncti pópuli tui,
 et ómnium, qui te quærunt corde sincéro.

Meménto étiam illórum,
 qui obiérunt in pace Christi tui,
 et ómnium defunctórum,
 quorum fidem tu solus cognovísti.

Nobis ómnibus, filiis tuis, clemens Pater, concéde,
 ut cæléstem hereditátem cónsequi valeámus
 cum beáta Vírgine, Dei Genetríce, María,
 cum Apóstolis et Sanctis tuis
 in regno tuo, ubi cum univérsa creatúra,
 a corruptióne peccáti et mortis liberáta,
 te glorificémus per Christum Dóminum nostrum,

iungit manus:

per quem mundo bona cuncta largíris.

Accipit patenam cum hostia et calicem, et utrumque elevans, dicit:

Per ipsum, et cum ipso, et in ipso,
 est tibi Deo Patri omnipoténti,
 in unitáte Spíritus Sancti,
 omnis honor et glória
 per ómnia sæcula sæculórum.

Populus acclamat:

Amen.

RITUS COMMUNIONIS

Calice et patena depositis, sacerdos, iunctis manibus, dicit:

Præcéptis salutáribus móniti,
et divína institutióne formáti,
audémus dícere:

Extendit manus et, una cum populo, pergit:

Pater noster, qui es in cælis:
sanctificétur nomen tuum;
advéniat regnum tuum;
fiat volúntas tua, sicut in cælo, et in terra.
Panem nostrum cotidiánum da nobis hódie;
et dimítte nobis débíta nostra,
sicut et nos dimíttimus debitóribus nostris;
et ne nos indúcas in tentatiónem;
sed líbera nos a malo.

Manibus extensis, sacerdos solus prosequitur, dicens:

Libera nos, quæsumus, Dómine, ab ómnibus malis,
da propítius pacem in diébus nostris,
ut, ope misericórdiæ tuæ adiúti,
et a peccáto simus semper líberi
et ab omni perturbatióne secúri:
expectántes beátam spem
et advéntum Salvatóris nostri Iesu Christi.

Iungit manus. Populus orationem concludit, acclamans:

Quia tuum est regnum,
et potéstas, et glória in sácula.

Deinde sacerdos, manibus extensis, clara voce dicit:

Dómine Iesu Christe, qui dixísti Apóstolis tuis:
 Pacem relínquo vobis, pacem meam do vobis:
 ne respicias peccáta nostra,
 sed fidem Ecclésiæ tuæ;
 eámque secúndum voluntátem tuam
 pacificáre et coadunáre dignéris.

Iungit manus.

Qui vivis et regnas in sæcula sæculórum.

Populus respondet:

Amen.

Sacerdos, ad populum conversus, extendens et iungens manus, subdit:

Pax Dómini sit semper vobíscum.

Populus respondet:

Et cum spíritu tuo.

Deinde, pro opportunitate, diaconus, vel sacerdos, subiungit:

Offérte vobis pacem.

Et omnes, iuxta locorum consuetudines, pacem et caritatem sibi invicem significant; sacerdos pacem dat diacono vel ministro. Deinde sacerdos accipit hostiam eamque super patenam frangit, et particulam immittit in calicem, dicens secreto:

Hæc commíxtio Córporis et Sánguinis
 Dómini nostri Iesu Christi
 fiat accipiéntibus nobis in vitam ætérnam.

Interim cantatur vel dicitur:

Agnus Dei, qui tollis peccáta mundi: miserére nobis.
Agnus Dei, qui tollis peccáta mundi: miserére nobis.
Agnus Dei, qui tollis peccáta mundi: dona nobis pacem.

Quod etiam pluries repeti potest, si fractio panis protrahitur. Ultima tamen vice dicitur:
dona nobis pacem.

Sacerdos deinde, manibus iunctis, dicit secreto:

Dómine Iesu Christe, Fili Dei vivi,
 qui ex voluntáte Patris,
 cooperánte Spírítu Sancto,
 per mortem tuam mundum vivificásti:
 líbera me per hoc sacrosánctum Corpus et Sánguinem tuum
 ab ómnibus iniquitátibus meis et univérsis malis:
 et fac me tuis semper inhærére mandátis,
 et a te numquam separári permíttas.

Vel:

Percéptio Córporis et Sánguinis tui, Dómine Iesu Christe,
 non mihi provéniat in iudícium et condemnatiónem:
 sed pro tua pietáte prosit mihi ad tutaméntum mentis et córporis,
 et ad medélam percipiéndam.

Sacerdos genuflectit, accipit hostiam, eamque aliquantulum elevatam super patenam tenens, ad populum versus, clara voce dicit:

Ecce Agnus Dei, ecce qui tollit peccáta mundi.
 Beáti qui ad cenam Agni vocáti sunt.

Et una cum populo semel subdit:

Dómine, non sum dignus ut intres sub tectum meum:
 sed tantum dic verbo, et sanábitur ánima mea.

Et sacerdos, ad altare versus, secreto dicit:

Corpus Christi custódiat me in vitam ætéram.

Et reverenter sumit Corpus Christi. Deinde accipit calicem et secreto dicit:

Sánguis Christi custódiat me in vitam ætéram.

Et reverenter sumit Sanguinem Christi. Postea accipit patenam vel pyxidem, accedit ad communicandos, et hostiam parum elevatam unicuique eorum ostendit, dicens:

Corpus Christi.

Communicandus respondet:

Amen.

Et communicatur. Eo modo agit et diaconus, si sacram Communionem distribuit.

Dum sacerdos sumit Corpus Christi, incipit cantus ad Communionem. Distributione Communionis expleta, sacerdos vel diaconus vel acolythus purificat patenam super calicem et ipsum calicem. Dum purificationem peragit, sacerdos dicit secreto:

Quod ore sumpsimus, Dómine, pura mente capiámus,
et de múnere temporáli fiat nobis remédium sempitérnum.

Tunc sacerdos ad sedem redire potest. Pro opportunitate sacrum silentium, per aliquod temporis spatium, servari, vel psalmus aut canticum laudis proferri potest. Deinde, stans ad sedem vel ad altare, sacerdos dicit:

Orémus.

Et omnes una cum sacerdote per aliquod temporis spatium in silentio orant, nisi silentium iam præcesserit. Deinde sacerdos, manibus extensis, dicit orationem post Communionem. Populus in fine acclamat:

Amen.

RITUS CONCLUSIONIS

Sequuntur, si habendæ sint, breves annuntiationes ad populum. Deinde fit dimissio. Sacerdos, versus ad populum, extendens manus, dicit:

Dóminus vobíscum.

Populus respondet:

Et cum spírítu tuo.

Sacerdos benedicit populum, dicens:

Benedícat vos omnípotens Deus,
Pater, et Fílius, ✠ et Spírítus Sanctus.

Populus respondet:

Amen.

Quibusdam diebus vel occasionibus, huic formulæ benedictionis præmittitur, iuxta rubricas, alia formula benedictionis sollemnior. Deinde diaconus, vel ipse sacerdos, manibus iunctis, ad populum versus dicit:

Ite, missa est.

Populus respondet:

Deo grátias.

Deinde sacerdos altare osculo de more veneratur, ut initio. Facta denique debita reverentia cum ministris, recedit.

**ORATIO
UNIVERSALIS**



Die 22 ianuarii

Beatæ LAURÆ VICUÑA

Ad Deum, fontem et originem bonorum omnium perfectorum, preces nostras fidenter effundamus, ut cunctis gentibus Evangelii nuntius proclametur.

R. Salva populum tuum, Domine.

1. Pro Ecclesia toto orbe diffusa: ut salutis nuntius suscipiatur generoso liberoque animo per humani cultus atque vitæ christiænæ harmonicam compositionem, Dominum deprecemur.

2. Pro episcopis, presbyteris et christiænis educatoribus: ut actuose versati in adulescentibus instituendis ad fidem, exhibeant præclaram speciem vitæ, christiæna spe ac lætitia, necnon bonis moribus et erga proximum caritate refertam, Dominum deprecemur.

3. Pro sodalibus Instituti Filiarum Mariæ Auxiliatricis et universæ Salesianorum Familiæ: ut fideliter suum charisma servantes novas in Ecclesia sanctitatis formas excitent intercessione et exemplo sancti Domínici Savio et beatæ Lauræ, Dominum deprecemur.

4. Pro adulescentibus: ut Verbo Dei fortificati et a Christo Domino efficaciter adiuti, suas libertatis et iustitiæ vota ad actum deducere valeant per magnanimum studium ad civitatem magis æquam et fraternam ædificandam in vinculo pacis, Dominum deprecemur.

5. Pro nostra congregatione: ut per participationem ad eucharisticam cenam confirmetur nostra mens plane docilis Patris voluntati, qui nos monet ut sancti simus sicut Ipse est sanctus, atque ad fecundam et generosam actuositatem apostolicam explendam, Dominum deprecemur.

6. *Aliæ intentiones.*

Omnipotens et misericors Deus, qui in Ecclesia tua novas religiosas familias suscitasti, ad Evangelium Filii tui diffundendum, Spiritus donum super filios tuos effunde, ut ad actum propositum amoris tui deducere valeant. Per Christum Dominum nostrum.

Die 22 ianuarii

Beatæ LAURÆ VICUÑA

Preces nostras, fratres et soróres in Dómino, ad Patrem fervénter extollá-
mus, qui per Fílium suum Iesum Christum cooperánte Spíritus Sancti vir-
túte magna pergit operári in párvulis et humílibus.

R. Pater, exáudi nos.

1. Pro Ecclésia: ut sanctitátis itínера, actuósa et læta, filiis suis véluti mater amábilis semper indicáre non désinat, haud secus ac beátæ Lauræ, Dómi-
num deprecémur.
2. Pro nostræ ætátis homínibus: ut perféctæ vitæ cristiánæ onerósa mú-
nera suscípiant, virtútem imitántes ac generositátem beátæ Lauræ, Dómi-
num deprecémur.
3. Pro familiis amóre caréntibus: ut mútuum consénsu et donum fó-
veant per magis consciam navitátem educatívam erga filios, humanitátis
novæ fundaménta, Dóminum deprecémur.
4. Pro adulescéntibus ad altióra propósita vocátis: ut respuéntes vitæ vá-
cuæ tentatiónes animóse offícia sua quotidiána perfícient ad societátem hu-
mánam ædificándam in iustítia et pace, Dóminum deprecémur.
5. Pro nobismetípsis hanc Liturgíam participántibus: ut eádem reférti ca-
ritáte, quæ beátam Lauram ímpulit ad suam vitam tradéndam pro fami-
liáribus suis, cotídie vitam nostram ad Dei ac fratrum servítium
impendámus, Dóminum deprecémur.

6. Aliæ intentiones.

Deus, qui in párvulis et humílibus amoris tui latitúdinem maniféstatas, ef-
fúnde super nos Spíritus tui dona, ut illúminans et vivificans verbum tuum
lætánter testificári valeámus. Per Christum Dóminum nostrum.

Die 24 ianuarii

Sancti FRANCISCI DE SALES

Ad Deum Patrem omnipotentem preces nostras humiliter et confidenter extollamus, ut, intercedente beato Francisco de Sales, quod proclamatum est Verbum vita nostra efficaciter perficiatur.

R. Sanctifica pópulum tuum, Dómine.

1. Pro episcopis et pastóribus Ecclésiæ: ut Spíritu ducti, actuóse, patienter et amánte pastorále suum munus éxpleant in ædificándis cristiánis communitátibus, quæ étiam indifferéntibus, non credéntibus, desperátis homínibus páteant, Dóminum deprecémur.
2. Pro œcumenísmo: ut diálogus inter cristiános diversárum confessiónum crescat per mútuam comprehénsionem, existimatiónem et fidúciam ad Christi Salvatóris nostri unitátem sincére quæréndam, Dóminum deprecémur.
3. Pro diurnáriis et scriptóribus ómnibus: ut munus suum exercéntes événtus intéllegant ad Evangélii lucem, atque cultúram ponant ad provehéndum hóminis íntegrum cultum, Dóminum deprecémur.
4. Pro Salesiána Famíliá: ut sanctum Francíscum tamquam suum exemplar contemplétur eiúsque doctrínam ad actum cotídie dedúcat, Dóminum deprecémur.
5. Pro nobis hic adstántibus: ut imitántes sanctum Francíscum charísmata nostra ad regnum Dei provehéndum impendámus, Dóminum deprecémur.
6. *Aliæ intentiones.*

Deus, qui amórem tuum in Sanctis, tuis servis et amícis, maniféstatas, exáudi nostræ congregatiónis preces et cor nostrum áperi ad dona tua suscipiéndam. Per Christum Dóminum nostrum.

Die 24 ianuarii

Sancti FRANCISCI DE SALES

Ad Deum, qui sapiéntes et prudéntes magístrós suscitávit in Ecclésia sua, preces nostras extollámus, doctrínam sequéntes sancti Francísci de Sales.

R. *Dírige nos, Dómine, in viam salútis.*

1. Pro Ecclésia sancta Dei: ut Dóminus pastóres iuxta cor suum tríbuat, qui dóciles sint Spíritui, fidéles dispensatóres Verbi et Sacramentórum, orémus.
2. Pro sodálibus diversárum confessiónum christianárum: ut animóse viam reconciliatiónis quærant ad unitátem univérsæ familiæ humanæ ædificándam, orémus.
3. Pro christifidélibus: ut cotídie testes sint resurrectiόνis, ad diffundéndam in mundo sapiéntiam evangélicam, orémus.
4. Pro Família Salesiána: ut in actum dedúcat doctrínam sancti Francísci pro adulescéntibus paupéribus et indigéntibus, orémus.
5. Pro nobis hic adstántibus: ut Spíritus sancti doni suffúlti Deum super ómnia et próximum tamquam nosmetípsos diligere valeámus, orémus.
6. *Aliæ intentiones.*

Deus, qui nobis in sancto Francisco exémplum vivum pietátis tuæ propónis, concéde, quæsumus, ut qui venerántur eum magístrum et patrónum providéntiam tuam amábilem experiántur. Per Christum Dóminum nostrum.

Die 31 ianuarii

Sancti IOANNIS BOSCO

Festum celebrántes sancti Ioánnis, iúvenum patris et magístri, fratres caríssimi, preces nostras ad Deum Patrem extollámus, qui filiórum suórum vocem semper exáudit.

R. Te rogámus, audi nos.

1. Pro summo pontífice, epíscopis, presbýteris et diacónibus: ut evangé-
lium veritátis et lætítiæ proclámant generoso suæ vocatiónis testimónio,
orémus.

2. Pro homínibus bonæ voluntátis: ut eórum návitas ad mundum magis
humánum configurándum innitátur caritate magnánima et generósa, orémus.

3. Pro Salesiánis et Fíliis Mariæ Auxiliatrics: ut sanctum Ioánnem Bo-
sco imitántes vitam pro adulescéntibus totam impéndant, atque ad ingé-
nuam Christi imáginem confórment, orémus.

4. Pro adulescéntibus derelíctis, negléctis, fátuis voluptátibus alienátis:
ut ad quémlibet sancti Ioánnis Bosco sodálem accedéntes, amícum se inve-
nísse experiántur, qui vitam eórum secúndum Evangélium conformáre vá-
leat, orémus.

5. Pro ómnibus christiánis adulescéntium institutóribus: ut suum sanc-
tum patrónum hábeant magístrum et ducem, ad suam expléndam missió-
nem, orémus.

6. Pro nobis hic adstántibus: ut evangélica præcépta mútuæ hospitalitá-
tis cotídie ad actum deducámus et ita a Dómino súscipi mereámur, orémus.

7. *Aliæ intentiones.*

Deus, semper fidélis, qui sancto Ioánni Bosco cor magnánimum et gene-
rósum tribuísti, preces nostras exáudi, ut Spirítui tuo dóciles, quæ tibi fi-
déliter implorámus, cotídie vita nostra compleámus. Per Christum
Dóminum nostrum.

Die 31 ianuarii

Sancti IOANNIS BOSCO

Fratres, festum celebrántes sancti Ioánnis Bosco, Ecclésiæ fidélis adminístri et adulescéntium magístri, preces nostras ad Deum bonitátis et misericordiárum patrem, fidénter effundámus.

R. *Dírige nos, Dómine, in viam salútis.*

1. Pro Ecclésia: ut Dóminus, qui viros mittit sanctos secúndum téporum necessitátes, in Ecclésia quoque tempóribus nostris apóstolos fervéntes, fidei magístros atque spiritáles duces súscitet, orémus.

2. Pro ecclesiálibus communitátibus: ut omne genus egoísmi superántes, animóse pro paupéribus, infírmis, negléctis cunctis, vitam impéndant, orémus.

3. Pro adulescéntibus: ut instituántur ad veras intellegédas históriæ huius téporis necessitátes seséque audácter vóveant ad ædificándum mundum futúrum magis humánum et cristiánum, orémus.

4. Pro paréntibus et institutóribus: ut famílias, parécias, scholas ádiuvent ad augédam mútuam responsabilitátem in instituéndis adulescéntibus et iuvénibus, orémus.

5. Pro Família Salesiána: ut signa téporum perscrútans exémplo sancti Ioánnis Bosco animóse se vóveat ad plenam hóminis salútem, orémus.

6. Pro nobis hic adstántibus: ut semper quærámus quæ vera, iusta, sancta sunt, nostrámque vitam gratiárum actiónem ad Patrem efficiámus, orémus.

7. *Aliæ intentiones.*

Deus Dóminus noster, præsta nobis actuósam fidem et infinitam caritátem, ut in cotidiánæ vitæ condició nibus nosmetípsos tamquam signa et præcónes amoris tui erga adulescéntes exhibére valeámus. Per Christum Dóminum nostrum.

Die 1 februarii

In Commemoratione omnium Sodalium defunctorum Societatis sancti Francisci de Sales

Fratres, per Christi mortem spes resurrectionis in nostra quoque morte refúlsit: ideo Deum patrum nostrórum invocémus précibus fide inspirátis.

R̄. Vivificans Dómine, exáudi nos.

1. Pro pópulo sancto Dei: ut testétur victóriam Christi de morte, et vitam dignitatémque humánam actuóse fóveat, Dóminum deprecémur.
2. Pro Salesiána Societáte: ut sit fidélis sancto Ioánni Bosco per memóriam vivam fratrum qui præcessérunt nos cum signo fidei, Dóminum deprecémur.
3. Pro nostræ missiónis destinatáriis: ut possímus véluti servi vigilántes operári in præsentis vitæ condiciónibus ad lucem mystérii mortis et resurrectionis Christi, Dóminum deprecémur.
4. Pro frátribus nostris qui obdormiérunt in Christo: ut áudiant læta Evangelíi verba: “Euge, serve bone et fidélis, intra in gáudium Dómini tui”, Dóminum deprecémur.
5. Pro frátribus qui auctoritátis ministérium exercuérunt, qui cruciátus sunt passi in córpore et spírítu, qui humilióra offícia perfecérunt: ut veritatém verbórum experiántur: “Veníte in Regnum quod parátum est vobis”, Dóminum deprecémur.
6. Pro nobis ad mensam Verbi et Panis Dómini accedéntibus: ut cum ómnibus frátribus fidem resurrectionis participémus per iustítiæ et caritátis ópera, Dóminum deprecémur.
7. *Aliæ intentiones.*

Réfove in nobis, Dómine, resurrectionis expectatióem et præsta ut vita nostra testes simus spei, quam in corde gérimus. Per Christum Dóminum nostrum.

Die 1 februarii

In Commemoratione omnium Sodalium defunctorum Societatis sancti Francisci de Sales

Fratres, mortis mystérium meditantes, consolátur nos magna spes: óculi nostri Dei vultum intuebúntur, et nos símiles ei érimus et cantábimus semper eius laudes. Hac fide firmáti extóllimus fidénter precem nostram.

R. *Dómine, in te sperámus.*

1. Pro christiánis communitátibus: ut memóriam recoléntes pastórum et fratrum defunctorum ómnibus homínibus cælos novos et terram novam prænúntient, quæ Deus parávit diligéntibus eum, Dóminum deprecémur.
2. Pro Família Salesiána: ut ad humánum et christiánum cultum provehéndum rebus huius mundi fruátur tamquam sint prænúntiæ novórum cælórum et terræ novæ, Dóminum deprecémur.
3. Pro frátribus nostris defúntis, qui sunt regeneráti in fonte baptísmatis et signáculum Spíritus recepérunt: ut Dóminus suscípiat eos in lucis et pacis regnum, Dóminum deprecémur.
4. Pro frátribus nostris defúntis, qui nutriti sunt ad mensam Verbi et Panis vitæ, suámque vitam Christo obœdiéti, páuperi et casto conformáverunt: ut Deus eórum præmium sit et gáudium sine fine, Dóminum deprecémur.
5. Pro nobis hic adstántibus: ut participántibus domínica cenam grátiam quoque nobis Deus tríbuat vivéndi atque moriéndi in fide, quam in Baptísimo recepimus, Dóminum deprecémur.

6. *Aliæ intentiones.*

Súscipe, Pater sancte, preces commúnes quas tibi extóllimus: frátribus nostris defúntis præmia tríbue iustórum et nobis quoque quam suscepimus perfícere missiónem. Per Christum Dóminum nostrum.

Die 12 martii

Beati ALOISII ORIONE

Dóminus éxcitat sanctos viros qui coram pópulo suo exstent exemplária et intercessóres. Quásumus fidéntur ut Ipse concédatur quæ fide pétimus ad verum bonum nostrum.

R. *Dómine sancte et fons sanctitátis, exáudi nos.*

1. Pro Ecclesiá: ut in cultu humano et christiáno provehendo opprésos, húmiles, derelictos antepónat, Dóminum deprecémur.
2. Pro mundi salute: ut per Christi redemptionem extingúatur malum, vúlnera sanéntur, genus omne cupiditatis nostri vincátur, Dóminum deprecémur.
3. Pro christifidélibus: ut óperam impéndant ad dolóris et solitúdinis pondus sublevándum eórum ómnium qui mínime diligúntur, Dóminum deprecémur.
4. Pro frátribus ómnibus qui in dolore versántur: ut (præsértim hoc quadragesimáli témpore) vivum et operántem séntiant Christum medicum animárum et córporum nostrórum, Dóminum deprecémur.
5. Pro nobis hic adstántibus: ut fidéliter evangélica præcépta servántes per hanc Eucharístiam virtútem necessariam sumámus ad misericórdiæ ópera explénda, Dóminum deprecémur.
6. *Aliæ intentiones.*

Dómine, Deus noster, qui numquam Ecclesiám tuam fidis discíplis destitútam reliquisti, Christi Fílii tui, qui ómnibus ómnia factus est, præsta, quásumus, ut intercedénte beáto Aloísio Orione, étiam nos præsentiam tuam patérnam constánter experíri valeámus. Per Christum Dóminum nostrum.

Die 6 maii

Sancti DOMINICI SAVIO

Verbo Dei illumináti, qui ad peculiárem sanctitátis ratiónem consequéndam nos mittit inter adulescéntes, Dóminum Patrem nostrum bonórum fontem ómnium, deprecémur.

R. Pater sancte, fons sanctitátis, exáudi nos.

1. Pro ómnibus qui vocáti sunt ad fidem proclamándam et augéndam in communitátibus christiánis: ut exémplo Domínici Savio bonum quærant animárum, Dóminum deprecémur.
2. Pro paréntibus et educatóribus: ut exémplo sancti Ioánnis Bosco ádiuvent adulescéntes in eórum humáno et christiáno increméto, Dóminum deprecémur.
3. Pro adulescéntibus: ut iuventútem suam seréno ac læto ánimo vivant atque impéndant in fratrum bonum, Dóminum deprecémur.
4. Pro nobis hic adstántibus: ut intercessióne et exémplo sancti Domínici peccátum constánter vitémus et in Dei amóre sédulo crescámus, Dóminum deprecémur.
5. Pro ómnibus nobis hic adstántibus: ut apostólica návitas per própriam aucta indústriam in Ecclésiá locáli semper parátos nos invéniat, concórdes in agéndo et spe christiána confirmátos, Dóminum deprecémur.

6. *Aliæ intentiones.*

Dómine Deus noster, qui Evangélii virtútem in sanctis tuis poténter manifestas, Ecclésiæ tuæ fíliis præsta, ut eórum sequétes præcépta eándem participent glóriæ corónam in cælis. Per Christum Dóminum nostrum.

Die 6 maii

Sancti DOMINICI SAVIO

Ad Dóminum, misericordiárum Patrem, qui per resurrectionem Christi Filii sui novam nobis tribuit vitam, súplices preces nostras extollámus.

R. Pater, confirma nos in fide.

1. Pro Ecclésiæ pastóribus: ut in suo ministério semper antepónant sanctificándi pópuli Dei officium, Dóminum deprecémur.
2. Pro educatóribus salesiánis: ut actuósa navitate et firma patientia humanam et christíanam adulescéntium institutiónem promóveant, Dóminum deprecémur.
3. Pro adulescéntibus: ut ad sua quæque perficiénda cotidiána officia institúti, ad futúra quoque suscipiénda rite paréntur, Dóminum deprecémur.
4. Pro iuvénibus: ut amicítiæ bona ediscéntes omnes súperent præclusiónum tentatiónes seséque magnánime vóveant ad próximi necessitátes sublevándas, Dóminum deprecémur.
5. Pro nobis hic sancte convocátis: ut exémplo sancti Domínici sapiénter et conscie bonis utámur quibus Deus nostrum quemque prædidit, Dóminum deprecémur.
6. *Aliæ intentiones.*

Deus, qui lætitiæ es fons erga diligéntes te, Ecclésiæ tuæ húmilem precem exáudi, ut, te adiuvánte, ómnia vitæ nostræ témpora in laudem perénnem glóriæ tuæ evádant. Per Christum Dóminum nostrum.

Die 13 maii

Sanctæ MARIÆ DOMINICÆ MAZZARELLO

Fratres et soróres, gratiárum actiónes Deo Patri, qui est in cælis, exhibentes propter mirabilia quæ operátus est in sancta Mariá Domínica Mazzarélló, eius amóris dona pro Ecclésia, pro cunctis homínibus, pro ómnibus nobis fidénter implorémus.

R. *Dómine sancte, exáudi nos.*

1. Pro Ecclésia toto orbe diffúsa: ut Spíritui sancto dócilis Evangélii virtútem suscipiat ad nostris témporis cultúras in mélius mutándas, Dóminum deprecémur.
2. Pro christiánis institutóribus: ut animóse ducant adulescéntes nostri témporis ad magis cónciam fídei perfectiónem eósque vivídius exérceant in christiánis virtútibus, Dóminum deprecémur.
3. Pro muliéribus: ut óperam suam navent ad solvéndas quæstiónes vitáles nostri témporis atque ad fovéndam societátem magis æquam, quæ innitátur magnis bonis vitæ et humanæ consortiónis, Dóminum deprecémur.
4. Pro Fíliis Mariæ Auxiliatricis: ut exémplo sanctæ Mariæ Domínicæ Mazzarélló áugeant communiónem suam cum Christo, Spíritus mótibus sint dóciles atque sédulo operéntur ad iúvenum bonum sibi commissórum, Dóminum deprecémur.
5. Pro nobis hanc Eucharístiam participántibus: ut ex hoc vitæ fonte inexháusto virtútem hauriámus ad Dei voluntátem lætánter adimpléndam, Dóminum deprecémur.
6. *Aliæ intentiones.*

Súscipe Pater quas deférimus preces in sollemnitate (festo) sanctæ Mariæ Domínicæ Mazzarélló et præsta nobis celebrántibus mystérium eius renovátæ in Christo humanitátis, ut fidéliter adimpléntes nostri baptísmi officia, mente et ópere tibi placére possimus. Per Christum Dóminum nostrum.

Die 13 maii

Sanctæ MARIÆ DOMINICÆ MAZZARELLO

Ad Deum Patrem nostrum, qui revélat párvulis et humílibus Evangélii divítias, fidénter et amánter preces nostras extollámus.

R. Rénova nos, Pater, in spírítu tuo.

1. Pro Ecclésia: ut Spíritui dócilis et inténta, signa témporis intéllegat, regni Dei advéntum flagitántia, Dóminum deprecémur.

2. Pro Famíliæ Salesiánæ sodálibus: ut exémplo sanctæ Mariæ Domínicæ Mazzaréllo ardénter vivant consecratiónem suam erga Deum et fratres, Dóminum deprecémur.

3. Pro Fíliis Mariæ Auxiliatricis: ut fidéles Fundatricis spíritui vocatiónem suam vivant per actuósum servítium erga nostri témporis Ecclésiám, Dóminum deprecémur.

4. Pro adulescéntibus: ut Evangélii Christi liberántem experiántur virtútem fortésque vitæ humánæ et cristiánæ persuasiónes éxcolant, Dóminum deprecémur.

5. Pro nostra congregatióne: ut participántes unam Verbi et Panis vitæ cenam víncula fraternitátis et communiónis ad bonum societátis roborémus, Dóminum deprecémur.

6. *Aliæ intentiones.*

Exáudi, Pater, preces nostras et præsta, ut qui sanctórum, te auctóre, magnália célebrant, in tua caritáte perseverántes, per virtútem sancti Spíritus proclamémus Verbum tuum, Iesum Christum, Fílium tuum et Dóminum nostrum.

Die 19 maii

Sancti LEONARDI MURIALDO

Fratres caríssimi, suáviter allécti infiníta et personáli Dei caritáte, qua nostrum quemque díligit, preces nostras fervénter ad eum extollámus, intercedénte sancto Leonárdo Muriáldo.

R̄. Exáudi nos, Dómine, per caritátem tuam.

1. Pro Summo Pontífice et ómnibus Epíscopis: ut ministérium suum apostólicum fidéliter exsequéntes sollícita caritáte pópulum Dei ducant, Dóminum deprecémur.
2. Pro opifícibus ómnibus: ut iuxta evangélica præcépta hómínis cristiánam dignitátem fóveant in iustítia et caritáte, Dóminum deprecémur.
3. Pro adulescéntibus: ut in dies copiosióres respóndéant Christo vocánti eos ad vitam impendéndam in fratrum cómodo, Dóminum deprecémur.
4. Pro cristiánis communitátibus: ut certa Dei dilectióne inníxæ vitæ difficultátes súperent per serénam eius voluntáti receptiónem, Dóminum deprecémur.
5. Pro ómnibus qui in políticis, sociálibus atque corporátis navitátibus versántur: ut societátem magis æquam et fratérnam ædíficent, Dóminum deprecémur.
6. Pro nostra congregatióne: ut mystério renováti, quod celebrámus, fortes in fide et in caritáte maneámus, Dóminum deprecémur.
7. *Aliæ intentiones.*

Concéde, omnípotens Deus, ut intercedénte sancto Leonárdo Muriáldo, qui per consecratiónem et perféctam in te deditiόnem bonum fovit pópuli tui, preces nostras exaudíri mereámur. Per Christum Dóminum nostrum.

Die 24 maii

BEATÆ MARIÆ VIRGINIS, titulo AUXILIUM CHRISTIANORUM

Plenam grátia vóluit Deus Matrem Filii sui. Preces nostras extollámus ut partícipes fieri dignétur divitiárum harum Ecclésiám et omnes hómines bonæ voluntátis.

R. Prótege, Dómine, Ecclésiám tuam.

1. Pro Ecclésiá sancta Dei toto orbe diffúsa: ut Spíritus Parácliti præsen-
tia roboráta, vitam suam confórmet Evangélio quod proclámat, Dóminum deprecémur.

2. Pro pace inter gentes: ut cunctis divisiónis genéribus superátis diversi-
sque recéptis cultúris, promoveántur fundamentália bona familiæ humá-
næ, Dóminum deprecémur.

3. Pro Familiá Salesiána: ut cotídie rénovans devotióem suam erga Vir-
ginem Auxiliatricem novas virtútes acquirat ad suam in Ecclésiá et in so-
cietáte missiόem prosequéndam, Dóminum deprecémur.

4. Pro ómnibus qui inserviunt sénibus, ægrótiis, derelíctis: ut Mariám se-
quéntes signum fiant Christi sollicitúdinis erga fratres, Dóminum de-
precémur.

5. Pro paréntibus: ut sequéntes Nazarethánæ Familiæ lucem sapiénter fí-
lios instítuant ac ádiuvent ad humánum christianúmque increméntum per-
ficiéndum, Dóminum deprecémur.

6. Pro nobis hanc festivitátem celebrántibus: ut Vírginis Mariæ exémpla
sequéntes esse possímus perseverántes in fide, fortes in spe, séduli in cari-
táte, Dóminum deprecémur.

7. Aliæ intentiones.

Deus, qui beátam Vírginem Mariám sóciam esse voluísti redemptiόnis
Christi Filii tui, ea auxiliánte, exáudi filiόrum tuórum vota, ut dóciles Spi-
rítui cotídie fidelitátem suam erga Evangélium váleant testári. Per Chri-
stum Dóminum nostrum.

Die 24 maii

BEATÆ MARIÆ VIRGINIS, titulo AUXILIUM CHRISTIANORUM

Fratres caríssimi, preces nostras ad Deum Patrem extollámus, qui vóluit Mariám esse adiutricem salvíficæ missiónis Fílii sui.

R. Exáudi, Dómine, preces nostras.

1. Pro Ecclésia, itineránte pópulo Dei: ut semper Mariám sequátur tamquam exémpLAR vitæ et sollíciti auxilií ad suam missiónem perficiéndam, Dóminum deprecémur.
2. Pro Summo Pontífice et pastóribus animárum nostrárum: ut in múnere Evangélii nuntiánda Mariæ se vóveant evangelizatiónis stellæ, Dóminum deprecémur.
3. Pro politicis moderatóribus: ut munus suum cómpleant Mariám intuéntes Dei voluntáti semper obœdiéntem ad mundi salútem, Dóminum deprecémur.
4. Pro Família Salesiána: ut vivat et operétur secúndum spíritum beatitúdinum in Ecclésia nostri témporis, Dóminum deprecémur.
5. Pro adulescéntibus, afflíctis præcipue ac spe destitútis: ut intéllegant Mariám esse matrem sollícitam boni filiórum suórum eíque se commítant spei, communiónis et pacis fonti, Dóminum deprecémur.
6. Pro nobis hic adunátis in festo Vírginis Auxiliatricis: ut semper experiámur eius auxiliúm matérnum, pignus pacis, lætitiæ ac acceptatiónis Dei voluntátis, Dóminum deprecémur.

7. Aliæ intentiones.

Deus, misericordiárum Pater, preces nostras exáudi et intercedénte Beáta María Vírgine, Christianórum Auxiliatrice, præsta ut in fide, spe, caritate ita incedámus ut cotidie in tua voluntáte maneámus. Per Christum Dóminum nostrum.

Die 23 iunii

Sancti IOSEPH CAFASSO

Deus sanctos suos súscitat ut vivéntia signa Christi et Spíritus mirabília. Verbo Dei adiúti preces nostras extollámus.

R̄. Osténde nobis, Dómine, misericórdiam tuam.

1. Pro Ecclésiæ pastóribus, presbýteris et diacónibus: ut semper fratres bonitáte, paciéntia et sapiéntia suscípiant ad incrementum ómnium christianárum communitátum fovéndum, Dóminum deprecémur.
2. Pro frátribus et soróribus, quibus óbviám venímus: ut invéniant apud nos semper indulgéntiam et auxiliúm, Dóminum deprecémur.
3. Pro ómnibus qui in Ecclésia munus institutiónis exércent: ut mentem et cor illúminent imitántes sanctum Ioséph Cafáссо, Dóminum deprecémur.
4. Pro ómnibus qui Verbi et reconciliatiónis munus susceptúri sunt: ut Christum imiténtur, qui venit ad sanánda corda demíssa ac remissióne indigéntia, Dóminum deprecémur.
5. Pro nobis hanc Eucharístiam participántibus: ut Verbo nutriti et a vitæ Pane adiúti in dies promptióres et apertióres ad fratrum necessitátes fíeri valeámus, Dóminum deprecémur.
6. *Aliæ intentiones.*

Réspice, Pater, Ecclésiám tuam, in sanctis celebrántem sanctitátis et grátia mirabília tua, et præsta, ut in viam evangélicam cotídie incedámus. Per Christum Dóminum nostrum.

Die 24 octobris

Beati ALOISII GUANELLA

In hoc mundo ab Evangélio alienáto, qui veros testes desíderat, preces nostras ad Deum bonum et misericórdem extollámus, ut semper Ecclésia caritátis apóstolis abúndet.

R. Per misericórdiam tuam exáudi nos, Dómine.

1. Pro Ecclésia ut Dóminus súscitet viros et mulíeres, qui vitam suam expéndant pro negléctis et magis derelíctis, Dóminum deprecémur.
2. Pro natiónum moderatóribus: ut spírítu servítii imbúti univérsæ natiónis bonum commúne promóveant ac incépta pro egéntibus fóveant, Dóminum deprecémur.
3. Pro víctimis ódii et violéntiæ: ut invéniant in Christi morte et resurrectióne vim ignoscéndi et sperándi in societátem magis æquam et humánam, Dóminum deprecémur.
4. Pro adulescéntibus: ut sint paráti ad ministérium actuósum et liberále præbéndum eis ómnibus, qui magis egéntes sunt, Dóminum deprecémur.
5. Pro Congregatió nibus misericórdiæ opéribus déditis: ut exémplo beáti Aloísii Guanélla testéntur caritátem pro Ecclésia et univérsa communitáte humána, Dóminum deprecémur.
6. *Aliæ intentiones.*

Exáudi, misericordiárum Pater, preces quas tibi, ut filii tui, extúlimus, intercedénte Aloísio Guanélla, caritátis indeféssæ apóstolo. Per Christum Dóminum nostrum.

Die 29 octobris

Beati MICHAELIS RUA

Vocáti a Christo ut simus sal terræ et lux mundi fidénter preces nostras ad Patrem extollámus.

R. Prótege, Dómine, filios tuos.

1. Pro Ecclésia sancta Dei: ut renovétur cotídie per sanctitátem ómnium filiórum suórum, Dóminum deprecémur.
2. Pro societáte nostri témporis: ut cuncti hómines fugátis tentatióibus atheísmi et voluptátibus magis magisque gaudéendi, óperam navent in ædificánda cotidiána vita iuxta evangélica præcépta, Dóminum deprecémur.
3. Pro moderatóribus Societátis Salesiánæ: ut fidéles intérpretes sint sancti Ioánnis Bosco charísmatis, Dóminum deprecémur.
4. Pro adulescéntibus: ut fratérne adiuvántibus institutóribus crescant in ætáte sapientia et grátia coram Deo et homínibus, Dóminum deprecémur.
5. Pro nobis hanc sanctam Eucharístiam celebrántibus: ut dum Regnum ventúrum expectámus signa témporum perlégere valeámus ad obviándum Dómino in cunctis frátribus, Dóminum deprecémur.
6. *Aliæ intentiones.*

Exáudi, Pater, preces famíliæ tuæ et præsta, ut digne incedéntes in suscépta vocatióne, fructus afferámus bonórum óperum. Per Christum Dóminum nostrum.

Die 29 octobris

Beati MICHAELIS RUA

Memóriam celebrántes beáti Michaélis Rua preces nostras fidénter elevémus ad Deum Patrem, fidelitátem erga Evangélium implorántes pro nobis et pro baptizátis ómnibus.

R. Rénova cor nostrum, Dómine.

1. Pro Ecclésia: ut fóveat caritátem inter filios suos atque sanctorum exempla effícaciter ad conversiónem et spíritus renovatióem addúcant, Dóminum deprecémur.
2. Pro ómnibus homínibus: ut divíno consílio respondétes sóciam præstent óperam ad expolitióem humanitátis universárum culturárum atque progréssum fóveant facultátum in natúra insitárum ad íntegrum hóminis cultum promovéndum, Dóminum deprecémur.
3. Pro Família Salesiána: ut fidelitátem servans sancto Ioánni Bosco missiónem suam perfíciat pro adulescéntibus egentióribus et magis derelictis, Dóminum deprecémur.
4. Pro adulescéntibus: ut magnánime suscípíant evangélicum núntium atque idem actuóse perfíciant per christiánam vitam, Dóminum deprecémur.
5. Pro nobis hic sancte congregátis: ut dóciles Spíritui Verbum Dei suscipíamus, quod nos cotidiáno sustíneat in vitæ nostræ christiánæ itínere, Dóminum deprecémur.
6. *Aliæ intentiones.*

Audi, Pater, famíliæ tuæ vocem, ut quæ auxiliúm tuum confidénter expéctat, beneficiórum tuórum abundántiam sortiátur. Per Christum Dóminum nostrum.

Die 13 novembris

Beatorum ALOISII VERSIGLIA et CALLISTI CARAVARIO

Fratres (et soróres), preces nostras ad Deum Patrem dirigámus, ut intercedéntibus sanctis martýribus, nos quoque, eius grátia, virtútem Spíritus, semper in Ecclésia operántis, testémur.

R. *Per intercessiónem mártýrum tuórum salva nos, Dómine.*

1. Pro Ecclésia sancta Dei: ut mártýrum sacrificio roboráta magis in dies inserátur in Redemptiónis mystério per crucem, Dóminum deprecémur.
2. Pro Episcopis, presbýteris et diacónibus: ut ministérium suum cómpleant animóse et authéntice propter regni Dei advéntum et diffusiónem, Dóminum deprecémur.
3. Pro missionáriis et catechístis: ut Evangélium totum serant in corde hóminis, veritátem, iustítiam et pacem quæréntis, Dóminum deprecémur.
4. Pro vocátis ad presbyterátum et ad vitam consecrátam: ut Christi vocem exáudiant et seípsos totos Ecclésiæ tradant, Dóminum deprecémur.
5. Pro nobis hanc participántibus Eucharístiam: ut per fidem superántes cotidiánas difficultátes adimpleámus quæ desunt Passióni Christi pro Ecclésiæ vita, eius mýstici córporis, Dóminum deprecémur.

6. *Aliæ intentiones.*

Pater, qui beátis martýribus Aloísio et Callísto virtútem tribuísti ut vitam suam tráderent propter Evangélii tui testimónium, rénova étiam nos per Spíritum tuum, ut magis fidéles discípuli tui inveniámur. Per Christum Dóminum nostrum.

Die 13 novembris

Beatorum ALOISII VERSIGLIA et CALLISTI CARAVARIO

Membra cum simus peregrinantis Ecclesiæ communicamus cum fratribus cælestis Ecclesiæ et necessitates nostras eis committimus. Elevemus igitur ad Deum Patrem nostrum supplicationes nostras per intercessionem sanctorum martyrum Aloisii Versiglia et Callisti Caravario.

R. *Advéniat Regnum tuum, Dómine.*

1. Pro Ecclesia sancta Dei: ut magis in dies fúlgeat in fide et vitæ sanctitate, exémplo sanctorum martyrum, Dóminum deprecémur.
2. Pro christiánis diversárum confessiónum: ut pénitus adhæréntes Christo atque diálogo fovéntes viam unitátis in una Ecclesia invéniant, Dóminum deprecémur.
3. Pro rerum publicárum moderatóribus: ut bonum commúne promóveant iúribus servátis humánis et præsertim iure serváto religiósæ libertátis, Dóminum deprecémur.
4. Pro Família Salesiána: ut sancti Ioánnis Bosco pastorále producens opus, renováta mente et ánimo Evangélium toto orbe diffúndat, Dóminum deprecémur.
5. Pro nobis hic adunátis: ut vita nostra proclamémus beatitúdinem, quæ promíttitur eis qui pro fide persecutiónem patiúntur, Dóminum deprecémur.
6. *Aliæ intentiones.*

Pater sancte, qui beátis Aloísio et Callisto virtútem tribuísti sequéndo Fílium tuum usque ad crucem, preces nostras exáudi et præsta, ut Spíritu sanctitátis tuæ roboráti, fructus afferámus ad ædificándum Regnum tuum. Per Christum Dóminum nostrum.

Die 5 decembris

Beati PHILIPPI RINALDI

Ad Deum, qui in Salesianórum Família clara sanctitátis suscitávit exémpla, quæ sunt Spíritus Parácliti multifórmis actiónis simúlque Fundatóris charísmatis fructus, lætánter et fidénter preces nostras extollámus.

R. Dirige nos, Dómine, in vias sanctitátis.

1. Pro Ecclésia, Pópulo Dei: ut per fidem castam et immaculátam agnóscat et suscípiat Dóminum in divérsis et instántibus vitæ et históriæ condiciónibus, Dóminum deprecémur.
2. Pro moderatóribus religiosárum familiárum: ut fidelitátem servántes Evangélio et fundatórum suórum charísmati communitátes suas reddant signum vivens amóris Christi et fratrum susceptiónis, Dóminum deprecémur.
3. Pro Societáte Salesiána: ut vestigia sequens beáti Philíppi Rináldi accrésca in dies apostólicam navitátem et respondére váleat divérsis necessitátibus, quæ premunt Ecclésiæ et societátis nostri témporis vitam, Dóminum deprecémur.
4. Pro sancti Ioánnis Bosco Voluntáriis muliéribus: ut, suis officiis quotidíanis fidéles manéntes, spíritum beáti Philíppi, Fundatóris sui, custódiant, Dóminum deprecémur.
5. Pro nobis hanc participántibus Eucharístiam: ut renováti in spíritu semper operémur cum dilectióne et simplicitáte cordis, quæ résonant Dei paternitátem, Dóminum deprecémur.
6. *Aliæ intentiones.*

Pater bonitátis fons et misericordiárum, qui Ecclésiám semper rénovas per filiórum tuórum sanctitátem, audi preces nostras, ut per virtútem Spíritus tui suscípere et nuntiáre Verbum, Fílium tuum, mereámur, hortántem nos, ut sancti simus sicut sanctus es tu Deus, qui vivis et regnas in sæcula sæculórum.

INDEX

Decretum Rectoris Maioris	5
Decretum Congregationis de Cultu divino et disciplina Sacramentorum	7
Calendarium	8

MISSÆ PROPRIÆ

22 ianuarii: Beatæ Lauræ VICUÑA	13
24 ianuarii: Sancti Francisci de SALES	18
31 ianuarii: Sancti Ioannis BOSCO	25
1 februarii: In Commemoratione omnium Sodalium defunctorum Societatis Sancti Francisci de Sales	31
12 martii: Beati Aloisii ORIONE	37
6 maii: Sancti Dominici SAVIO	38
13 maii: S. Mariæ Dominicæ MAZZARELLO	46
19 maii: Sancti Leonardi MURIALDO	54
24 maii: BEATÆ MARIÆ VIRGINIS, titulo Auxilium Christianorum ..	59
23 iunii: Sancti Ioseph CAFASSO	65
24 octobris: Beati Aloisii GUANELLA	70
25 octobris: In Anniversario Dedicationis ecclesiæ propriæ	73

29 octobris: Beati Michælis RUA	74
13 novembris: Beatorum Aloisii VERSIGLIA et Callisti CARAVARIO ..	79
5 decembris: Beati Philippi RINALDI	84

ORDO MISSÆ

Ritus initiales	91
Liturgia Verbi	95
Liturgia eucharistica	98
Prex eucharistica I	101
Prex eucharistica II	107
Prex eucharistica III	111
Prex eucharistica IV	115
Ritus communionis	120
Ritus conclusionis	124

ORATIO UNIVERSALIS	125
---------------------------------	-----

INDEX	150
--------------------	-----

Coordinamento:
Manlio Sodi
Biagio Amata

Progetto grafico e impaginazione:
Marino Ferrari

Realizzazione:
Editrice VELAR spa - Gorle (BG)

Finito di stampare nel mese di novembre 1990
dalla Litonova srl, Scanzorosciate (Bergamo)



